



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.714



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.714





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.714




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.714

1.6.714









1.6.476

AI

154

XXVIII

*Ex Legato S. Equitis
Fruentii Francisci
de clarmis*

88

Inter pauca quædam mihi resplenda occurrunt
quædam solummodo resplenda occurrunt
in presentia meorum oculorum et in presentia
j. amantissimi patris mei.

AGESILAI
MARISCOTTI
DE PERSONIS,
ET LARVIS,
Earumq;
Apud Veteres vsu, & origine
SYNTAGMATION.



BONONIÆ,
Ex Typographia Hæredis Ioannis Rosij.
C I O I O C X.
Habita Superiorum facultate.

AGRESTI

DELLA

DELLA

DELLA

DELLA

DELLA

DELLA

DELLA

DELLA

DELLA

DELLA

DELLA



NERIO
DRAGOMANNO
MILITIÆ S. IACOBI

Equiti Præstantissimo.

Agēsilaus Mariscottus S. P.



*Q*UOD fœtum hunc meum
vix dum perfectum, ni ma-
uis abortivum, patrocini
indigentem, neq; graues ni-
mium Amplissimi IUSTI-
NIANI Cardinalis occupa-
tiones interpellare ausum, ex ipso lucis adipiscen-
da limine ad te properare videas, non est cur mi-
reris, Eques præstantissime: Qui potis enim ple-
nius, quam tu, vitales radios in ipsum transfun-
dere ab isto nostro Sole? qui, acerrimo illo intuitu,
que subiecta singula perlustrat, te sibi, quasi
a 2 non

non φιλαλέξανδρον minus, quam φιλοβασιλία per-
spectum, propiore loco iubet assidere. At heus tu
Martial. (inquis) quid ad me Gerres, aut inutiles me-
næ? leuiores sunt ista, quam, quæ sibi luminis
usuram postulent, quibus, qui se affatim exple-
unt, iuxta Homericum illud.

Iliad. x. Χείλεα μέγ' τ' ἐδ' ἦν, ὑπὲρ ὧν δ' ἐκ ἐδ' ἦν.

Leuiores, fateor, sed non penitus respuenda; as-
pergunt enim, si non mædificiunt; asperguntq;
adeo, ut sitim sedent, si non expectorant. Tuum
erit igitur (quod enixe rogo) exilienti fœtui obste-
tricandi munus non denegare, qui non minus si-
bi gloriosum existimabit, si insignis illius tuæ hu-
manitatis adiumento vitæ beneficium obtinebit;
quam salutare, si perspicientiæ tuæ singularis
consilio dignus pronuntiabitur, qui veluti ἐφ' ἡμέ-
ρας suppressatur, priusquam in nouos istos, suo pte
suffragio, censores incidat immisericorditer in-
gulandus. Vale. Bononiæ A. D. CIOCCIX.

PRÆ-

14

PRÆNOTATIO

eorum, quæ in hoc Opere
continentur.

Prælocutio ad Lectorem. pag. 1.

Caput I.



VINAM de Personis scripserint. Personæ non à personando. προσωπεῖον. oscilla. Cornificius apud Festum notatus. Festi vulgata lectio defensa. σωματία. Persona æquiuoce à veræ Personæ imitatione; seu etiam quasi περισῶμα. Etymologiæ aliæ. Larua. μορμολύκεια. πρόσχημα. σχηματισμός. Scenicæ Personæ sine Persona. Caij, & Commodi Imperatorum ridicula προσχήματα. & σχῆμα quid Iustiniano Authent. de Sanctiss. Episcop. pag. 6

Caput II.

Personarum, & σχηματισμῶν vsus in scenis, προσωποποιός. Castelluetrij in Aristotelem quantū ad Personas explicatio confirmata. In Suda mendum, vel ἀντιχρόνισμα. τρυγῳδία. Satyrica. Comædia vetus. De ea notabile ex Aeliano. Cur ea sublata. Nouæ Comædiæ Personæ; ἀγύρται, qui olim μαγῳδοί, ijq; Personati. Item φαλλοφόροι, & ἰδυφάλλοι, ὄρχησις, in eaq; Personæ. 18

Caput

Caput III.

Personæ, & σχηματισμοὶ in sacris celebritatibus. In Saturnalibus. Nonis Caprotinis. Bacchi solennibus, vbi de Bacchanalibus, & Liberalibus. In minusculis Quinquatribus. In Megalensibus. Apud Coos in Herculis sacris. Naharualorum sacerdos. Argiuarum mulierum ὑβριστικά, ijsq; pene similis Charondæ sanctio. Sacra Veneris in Arthide; Romæq; Mutini Titini; & quis ille Deus. Pœnorum mos in filijs Saturno immolandis. De Bona Dea Iacobonius quidam notatus. Ex Apuleio Isidis Pompa. Calcagnini lapsus. Syriæ Deæ circumlatores.

34

Caput IV.

Idem ritus in epulis, & comessationibus, testimonijs, & exemplis comprobatus. In ijsdem Larua argentea è Petronio. σωματία apud Ausonium. Mos Aegyptiorum, Chinenſium, Coorum, & mulierum Argiuarum. Lycurgi institutum.

44

Caput V.

Personæ in Triumphis; θρίαμβος vnde Huius rei ab Atheniensibus origo. Personæ in bellis, & σχηματισμοὶ ad hostes decipiendos, sed, & ad terrendos, cuius rei exempla è Gelonis, Aethiopibus, Phocensibus, Arijs, Hunnis, & Britannis, vbi per occasionem glasti vox asserta apud Cæsarem; & de Agathyrsis Seruius mendacij conuictus. Exemplum

plum

plum è Britānicis item mulieribus. De veteribus
quibusdam armaturis, & Turcarum Dellyjs. 48

Caput VI.

Promiscua quædam de Personarum vsu: Puta in lu-
ctu, vt Licij. In Cæsarum ἀποθέσει, & Virorum
illustrum funeribus. In nocturnis Bacchationi-
bus. Alexandria in thure interpolando. Polluci
lux de mulierum Personulis. Idem Correctus.
Chinensium fœminarum Personæ. σχηματισμοί
luxus, & libidinis causa, tum virorum, tum etiam
populorum; quod improbatū ex veteri lege Deu-
teronomij. Senecæ loci duo ex collatione illu-
strati. Mulieres sexum mentitæ. 57

Caput VII.

Quenam pro Personis antiquitus in vsu replicatum,
additis nonnullis. Antiquitatis vitium. Luna
χοργόνοισι ab Orpheo, vnde coniectura de Perso-
narum antiquitate. Mutatio vestium ab Hercule.
Ab Agricolis vultus tinctura è Tibullo. Scenico-
rum primordia. Item lignæ Personæ. Pausaniæ
locus insignis de vultus tinctura à Diana. 65

Caput VIII.

Personarum duplex causa, Prima ad fictam imita-
tionem, cui rei testimonia. Horatij locus expli-
catus. Prouerbiū ἐ πρόσωπον, ἀλλὰ προσωπεῖον
φέρειν, in fucatas mulieres. In mores fictos, de qui-
bus moralis digressiuncula. Res Personata. Per-
penus

pensus Arriani locus in Epicteto. Persona pro
prætextu. Causa Personarum secunda; ob vere-
cundiam, testimonijs confirmata. Alia Prouer-
bij explicatio. 72

Caput IX.


Personati Laruati, qui & furiosi. Laruæ à Laribus, &
de Laribus illustrati Horatij versus. Personarum
infectatio; Maxime in mulieribus. Vita nostra
Personatorum Pompa. De Carnispruiuo varia,
tamen indecisa. 81



AD



AD LECTOREM PRÆLOCVTIO.



NIL esse melius, quam lætari; *Eccle-
siastes.*
*Axioma est, non alicuius è triuio ma-
gistelli, sed sapientis illius, qui tanquã
a Deo ipso veris omnimodæ sapien-
tiæ radijs, præ cæteris omnibus, collu-
stratus, merito, cunctis etiam sæculis,
omnium sapientissimus audiuit; si ergo Satyrici illud ar-
ridere mihi non negauerim.*

Indulge Genio, carpatum dulcia, nostrum est, *Persius
Saty. 5*
Quod viuus, cinis, & manes, & fabula fies.

*Non velim arbitreris, quisquis tãdem futurus sis Lector,
ab initio huiusce meæ dissertationis, loqui me tibi, ceu Epi-
curi quenaam de grege porcum, iuxta illud à Sardanapa-
lo usurpatum.*

Cum te mortalem noris, præsentibus exple

Delicijs animum, post mortem nulla voluptas.

*Apage isthuc, apage, inquam, doctrinam talem prorsus
belluinam, quæ spiritui huic, quo informamur, quo uiui-*
A mus,

mus, quo homines sumus, tanquam mortalis, temporariusq;
esset, umbratilis tantum, momentanei; boni finem præ-
scribit, cum illum ipsum recta ratio demonstret, Dei, Opti-
mi, Maximi beneficio, immortalitatis, perpetuitatisq;
Diuinæq; adeo similitudinis, & quodammodo Natura
participem effectum, ad æterna, infinita, vereq; summa
bona aspirare, illucq; actus omnes, omni conatu dirigere
debere. Epicureis enim illis, seu potius Atheis assentiri,
non tam mea me ipsius conditio prohibet, quam propensio
refugit; quippe, quæ in eam me, non reluctantem, pertrahat

1. offic. sententiam, ut cum Cicerone affirmem; Non ita nos à
Natura comparatos esse, ut ad ludum, & iocum fa-
cti esse videamur, sed ad quædam studia grauiora,
atq; maiora. Quia vero sic nostra requirit imbecillitas,
ut quibusdam interuallis labor assiduus deliniendus esse
videatur, quo veluti fulcimento surgat, quod ait Poeta
quispiam; Maior post otia virtus. Idcirco cum ipsomet

Ibidē. Cicerone asserere haud vereor; Ludo etiam, & ioco uti
licere, sed sicuti somno, & quietibus cæteris, tum,
cum grauioribus, serijsq; satisfecerimus. Quod, si rem
paulo attentius perpendere lubitum fuerit; quid, quæso, in
hac vita reperitur, quod vel sinceræ iucunditatis, vel so-
lidæ diuturnitatis nomine, æquo iure desiderabile censeri pos-
sit? Momento rapimur citius; viximus non viuimus; &
quisnam est, qui se posthac, vel minimo temporis momento
victurum certo sciat? Illud certe non ignoramus, & nos
omnes, & quicquid sub cælo hominum obijcitur aspectui,

non

non multo post, instar umbræ fugacis, euanide auolaturum:
 In tanta rerum instabilitate non minus, quam incertitudi-
 ne constitutus homo, quānam vitam sibi ducat optabilem.
 Læta nisi austeris varientur festa profectis? Et quis il-
 le esset, qui negotiorum pondere grauatus non satisceret, ijsq;
 curis anxius, quas res humanæ satis abunde suppeditant,
 plerunq; non succumberet, ni quibusdam honestæ volupta-
 tis illecebris (salte per trānsennam) animū oblectans, in otio
 nonnunquam hilariter degeret? Certe (quod Philosophus
 ait) Cum nequeant homines assidue operari requie
 indigent. Voluptas igitur ea est, quam (ni tamen ad ex-
 tremum propendeat) omnium malorum leuamen, suauissi-
 mumq; humana vitæ condimentum appellare ausim, sine
 qua, nec Dijs ipsis beatitudinem constare Simoni des asse-
 uerauit: In qua, si quid est minus boni, illud præcipue vi-
 detur, quod in lubrico posita, fluxa nimium sit, & momē-
 tanea: Quin igitur cum Epigrammatographo exclamem.
 Viue velut rapto, fugitiuaq; gaudia carpe. Quan-
 doquidem, si præ eius velocitate prohibemur, quin ipsi,
 quantum animus cuperet indulgeamus, haud absurdum
 erit, vel totis viribus eniti, ut veluti furtim surripientes
 id, quod iucundi in hac vita reliquum est, summis saltem
 labellis degustemus. Prudentis enim viri propriū est, ex Plu-
 tarchi sententia; non (quod insipientes faciunt) instantia
 bona, præsentiaq; parui facere, quod ea momento temporis,
 vix degustata, e sensibus se quam citissime proripiant, sed
 aduenientem ex ijs iucunditatē libenter arripere, & eorum,

Auson.
Eydill.

4.

Ethic.
10. c. 6.

Marti-
al li. 7.

πρὸς τοὺς
δούλους.

A 2

qua

quæ iam præterierunt recordatione hilaritorem efficere. Ne mirum igitur cuiquam videatur, aut absconum, quod de re minus seria, ut pote de Personis, & Laruis, præter morem, ac institutū Philologicā magis, quam Philosophicā tractationem suscipere, eamq; publici iuris facere decreuerim:

Auson. Sunt etenim & Musis sua ludicra; Neq; argumentum ullum magis accommodum discernere in promptu fuit, quo me illis collusorem copularem, quando eius temporis ratio, quo ex veteri instituto ludendi passim licentia permittitur, ad huiusmodi sermones potius, quam ad grauiora studia haud obscuro, nec iniucundo inuitamento allicere videbatur. Cæ-

Xiphili
nus An
tonin^{us}.

Plutar.
in Co-
lotem.

Seneca
de trā-
quillit.
cap. xv.

tero quin tantum abest, ut locum affectem inter hos xου-
ροπρίσας, qui ex minutulis hisce superuacanea, inaniq; di-
ligentia perscrutandis gloriolam aucupantur, ut in ipsorum
mysterijs *καρδιόχορος* esse nolim, ne dum *ὀφθαλμὸς*. Ne-
minem vero futurum arbitror, qui ea censeat improbanda,
quæ, si priuatim, non sine publico tamen, eoq; magno, ac
perueto exemplo fieri videt, cum præsertim veteres etiam
legum latores, prudētī sanè ratione, consuluisse videamus,
ut priuatim quisq; animum aliqua relaxatione recreare
auderet, cum, præ cæteris ad optimum Reipublicæ statum
facientibus, Festos instituerunt dies, ut ad hilaritatē
publice homines cogerentur, tanquam necessarium
laboribus interponentes temperamentum; quæ ex re
tantam, vel ex sapientissimi cuiusque testimonio, laudem
sunt meriti, ut Deos ipsos genus nostrum, laboribus à natu-
ra pressum, miseratos, magis, quàm homines remissiones ha-

scē

scē
lim
di,
ris.

At,

5
sce statuisse, cum Platone, quidam sint opinati. *Haud ve-* Plato 2.
lim, tamen, Lector, facultatem tibi præreptam subsannan- de legi-
di, si ea, quæ dixerò friuola nimis, & scurrilia iudicaué- bus,
ris: liceat tibi per me, liceat,


Ridere quicquid est domi cachinnorum.

Catull.

At, si ob rerum varietatem iucunda, scituq; non indigna
Videbor attulisse, non aliam abs te inire gratiam
exopto, quam, ut ea suspensis, quod aiunt,
auribus bibere ne recuses; Et utcun-
que sit, talem tibi otij mei reddi
rationem æqui saltem,
boniq; consulas.



AGE



AGESILAI MARISCOTTI DE PERSONIS, ET LARVIS SYNTAGMATION.

Quinam de Personis scripserint. Personæ non à personando. προσωπίον. oscillæ. Cornificius apud Festum notatus. Festi vulgata lectio defensa. σωματία. Persona æquiuoce à veræ Personæ imitatione; seu etiam quasi περί σῶμα. Etymologie alia. Larvæ. μορμολύχεια. πρόσχημα. σχηματισμός. Scenice Personæ sine Persona. Caij, & Commodi Imperatorum ridicula προσχήματα. & σχῆμα quid Iustiniano Authent. de Sanctis. Episcop.

Caput primum.



PERSONARVM vsū apud veteres celebrem fuisse; supraq; multorum opinionem, quasiq; supra veri fidem frequenter vsurpatum, cum ex literarum monumētis curioso talium indagatori, si non tenui studio, perspicua saltem certitudine possit innōtescere, neminem

minē ex ijs tamen argumentum hoc peculiari scri-
ptione dilucidasse cōpertum est, vno excepto Ari-
stophane quodam Byzantio, quem ab Athenæo
præ ceteris citatum lib. xij. vt quamplurimos huius-
modi, immo & melioris etiam notę scriptores longa
ætas aboleuit. Reliquum fuit igitur, quandoquidem
hasce vetustatis reliquias non indignas inuestigatio-
ne censuerim, vt ad recentiores confugerem, quos
hac de re, vel dedita opera, vel *παράργως* pertractasse
cōnoueram, ni, veluti *cæcus parietem palpans*, rem
aggredi vellem. Ex ijs, Antonij Codri Vrcei, quam
extare audiui, hac de re luculentam satis epistolam,
in votis quidem, vt viderem fuit, sed nō in fatis. Neq;
adeo cupiditatem meam expleuisse, conceptamque
existimationē adæquasse visa sunt, quæ in caput jx.
octauj libri sui Otij Semestris congersit Ianus Lan-
glæus Armoricus, quin ea longe infra diligentiam
in eo libro perquirendo adhibitam existimauerim,
fatiusq; duxerim Cælij Calcagnini libello quodam,
quem Personatos inscripsit, itemq; viri eruditi Iulij
Cæsaris Bullengeri capite xlv. libri primi de Thea-
tro, ceu faculis quibusdam prælucentiū vestigijs in-
sistere; non ita tamen, vt, si res ipsa postulet, ab ijs
dissentire nefas mihi sit habendū, quasi in eorū ver-
ba iurato, sed ita, vt leniter eos redarguere permissū
velim, quodocunq; tenebricosi tramitis offendicu-
la ab ipsis non satis accuratè declinata fuisse perspe-
xero.

xero. Cum ergo non bene conueniat inter auctores, quid sit proprie Persona, institutū de ea sermonem hinc auspicabimur, prout Aristotele docente, recta ordinis ratio exposcere videtur; non eam tamen Personam intelligentes, quam Philosophi definiunt, *Naturæ rationalis indiuiduam substantiam*; sed eam, quæ larua etiam dicitur, quæq; diuersam a vero formam effingit. In hoc vero pleriq; consentiunt scriptores, vt Personæ significationem arctius contringentes, illud solummodo cooperimentum, quo facies tegitur Personæ vocabulo indigeret, quod à personando deductū volunt cum Basso apud Gellium libro v. cap. vij. *Quia cetera tecta, ora tantum habeat aperta, unde sonora magis vox exaudiri possit*; vel, vt habet Boethius libro de Trinitate, *Quia concavitate ipsa maior necesse est emittatur sonus*; Cæterum Vlpiano in l. fundi ff. de act. emp. Personæ sunt etiam *eicones illæ, e quarum rostris aqua salire solet*; vt, & Polluci lib. xj. cap. jv. *προσωπεῖτα* vas quodpiā æneum, cui circa os inesse solent diuersi generis animalium ora effigiata. Nec desunt, qui affirmant; Personas esse oscilla, (de quo Iudicri genere multa veteres, & recentiores Philologi) eadem fere quidem ducti ratione, qua citatus a Gellio C. ille Bassus, quod Personam *προσωπεῖον* græcè dici ἀπὸ τῆ προσώπου à Polluce docti, idem fuisse crediderint, quasi, quod est circa faciem, *παρὰ τῆ πρὸς τὰς ὤπας τῖβιδαι*, ab eo, quod est

Syntagmation.

est circa oculos ponere, vt definit Boethius; non autem quod reuera esse inferius demonstrare conabimur, sed inepta forte magis, quam mendosa Cornificij, quæ est apud Festum originatione decepti, qui oscilla dicta putat ab eo, *Quod os celare sint soliti Personis propter verecundiam, qui eo genere lusus utebantur.* In ea sum etenim sententia, vt absurde originationis culpam non in scripturam, sed in auctorem ipsum reiiciendam censeam, cui forte non succurrerit in ipsa assignanda, haud recte posse ab os celare, quod Varro l. exprimitur, oscilla deduci, quæ constant duobus; ita vt libentius legam eo Festi loco *os celare*, vt est lectio vulgata, quam cillere, vt corrigit Iosephus Scaliger, eumq; secutus Bullengerus; cum enim cillere idem sit, quod mouere, non satis video, quid ad verecundiam facere potuerit os mouere in tali gestulatione; quin malè adeo sibi cõstet phrasis ex innouata lectione concinnata, vt nullus omnino sensus eruatur ex illis, *os cillere Personis.* Vt horum tamen amplectar opinionem, non me mouet, quod consimili argumẽto vocabulum *La Mascara*, quod Italianice Persona est, ab Hispanico deductam velint nonnulli, quasi *Mas cara*, plus, quam facies, quasiq; nulla res alia possit esse Persona, præter eam, quæ Gallis *Faulxuisage* dicitur, Græcisq; forte, dici posset *ψευδομορφη*: Minusq; quod Iosephus Scaliger, tanti viri nominis, ad Ausonium, eiq; fidenter nimis inhærens

B

rens

rens Bullégerus, oscilla asserant Macrobio esse Lar-
uas, & Personas, quas in αἰώπαις, seu iactationibus lu-
dicris rustici ori apponebāt, vt essent magis ridicu-
li; Tum, quod tale aliquid apud Scriptorem illum
mihi potius commōstrari velim, quam alteri com-
mōstrare possim, vt qui ex Catonis sententia, in re-
bus ludicris serio laborare nil aliud existimē, quam
in serijs se deridendum præbere; Tum etiam, quod
tantum abest, illud esse è Macrobio, vt ex ipso met
potius compertum habeamus, cum Personis, & Lar-
uis oscillā nihil commune habere, sed ea esse, quæ
Græcis *σφαῖρια*, idest parua ora dicuntur, quorum
vltum docet Saturnaliū 1. cap. vij. & xj. hinc ori-
ginem habuisse, quod, cum diu humanis capitibus
Ditem, & virorum victimis Saturnum placare vete-
res consueuissent, propter oraculum quoddam, Her-
cules, cum Geryonis pecore per Italiā reuertens, sua-
serit, vt faustis sacrificijs infausta mutarētur, infer-
renturq; Diti, non hominum capita, sed oscilla ad
humanā effigiem arte fabricata. E quo ritu (ne huc
congerā præterea, quæ de oscillis apud Festum, Hy-
ginum, & Seruium abundē suppetunt) si quis ad nos
vsq; ritus defluxit, non aliū crediderim fuisse, quam
receptum illum, cuiuscunq; materiæ imagunculas
in templis suspendendi, quando cœlitum ope ab im-
pendenti aliqua ærumna seruatos nos esse profite-
mur. Gellij vero deductionem, si non aliud, ipsa sal-
tem

tem vocabuli pronuntiatio apertè reprobatur, quæ, si à personâ Persona diceretur, haud dubiè o literam corripere, quâ in penultima syllaba producit, cum præsertim ex hac vel correptione, vel productione nil penitus de recta vocabuli forma accedat, vel decrescat. Apertius tamen eam futilitatis arguit recta ipsius Personæ definitio, quâ ipse latiori, quam cæteri modo accipiens, non eam tantum dici posse audacter asseruerim, qua facies velatur, sed & habitum qualècunq; vel fictum, vel qui ad veri alicuius imitationem, prout est repræsentantis intentio semagis accommodet. A qua ipsa imitatione veræ Personæ, eo modo acceptæ, quo illam à Philosophis iam diximus definiri, factum arbitror, ut Personæ appellatione, velut æquiuoce, dictū sit quodcunq; aliquod, vel plura ex ijs attributis exprimeret, quibus à Ciccone primo de Inventione, vera Persona circumscribitur. Ut in hanc sententiam pedibus irem, quibuscunq; alijs reiectis impulit me, tum probabilis quædam verisimilitudo, tum etiam vocabuli προσωπεῖον, quo Græce Persona, seu Larua significatur, cum vocabulo πρόσωπον affinitas, quod sæpissime pro Persona proprie dicta usurpatum reperimus: Hanc etenim Græcorū cum Latinis in huius vocabuli significatione congruentiam satis, superq; virium habere ad sententiam confirmandam sum arbitratus. Huc etiam forsitan respexit, nec à scopo longè aberravit,

licet non satis rectè collinearit Iulius Cæs. Scaliger libro Poetices primo, cap. xiiij. cum Personam appellari asserit, quasi *περὶ σῶμα*, hoc est circa corpus, qua etiam significatione Italicum, *La Mascara*, ἀπὸ τῶν μασχάλαν dictam opinatur Calcagninus, *Quod villosis* (ait ille) *centonibus plerumq; inuoluantur, qui hoc habitu delitescere student*: Lubens etenim interea præterierim Calcagnini eiusdem, necnon Iacoboni cuiusdam ingeniosa commenta potius, quam verisimiles denominationes; Mascaram videlicet (non possum enim hoc vocabulo non uti) dici, quasi per iusiurandum *ματὶ τὴν χαρὰν*, hoc est per lætitiā, seu, quasi dicatur Hispanico idiomate, *Mas cara*, admodum cara, iucundaue, Etymo deducto à voluptate, quæ ab ea percipi solet, siue etiam longius petita significatione, quasi *μεγάλῃ ἀισχύρῃ*, quod profecto quid nam monstri esset me nescire faterer, ni Calcagninus ipse *Magnam incrustationem* interpretatus coniiciendum relinqueret ad *ἰσχάραν* se respexisse, quæ apud Medicos crusta est ab ardente ferro, aut medicamento caustico superinducta. Personæ autem à me traditā definitionem, non tam ex mea, quā ex eius, quem modo laudaui Scaligeri opinione, præter ea, quæ infra sequuntur de ipsarum usu, & origine, confirmant, vel maximè ipsius Personæ *σῶμα*; si enim ea tantūmodo esset, vel Latinis Personæ, quæ propter oris cooperimentū ad clariorem soni-

sonitum vocem emitteret, qualiq; cogeret, vel Græcis προσωπεῖον, quod est circa faciem, frustra esset, quod, & apud nos Larua; & apud Græcos μορμούκειον, eadem prorsus acciperetur significatione, quod tamen Festus docet, & Pollux libro xj. cap. jv. Larua vero à laribus deducta propriè magis accipitur pro inani terriculamēto, ut apud Plautū Amphitruone.

Larua umbratilis tu me minis territas.

Ut & μορμούκειον à verbo μορμύσσειν, quod est perterrefacio; sed Persona, vel προσωπεῖον, hoc etiā nomine dicitur, ideo, quod timorem insuetis incutendi vim habere videatur. Iuuenalis Satyra iij.

Personæ pallentis hiatum

In gremio matris formidat rusticus infans.

& Martialis Apophoret: clxxvj.

Sum figuli lusus, Rursi persona Batavi,

Quæ tu derides hæc timet ora puer.

Talium etenim gentium, ut quarum tunc temporis minor haberetur notitia vultus in Personis exprimabantur, quomodo ætate nostra Turcarū, Aethiopum, istiusmodiq; Barbarorum effigies exprimi solent. Et adearum Personarum conspectum, quas Aeschylus in scenam introduxit, prægnantes foeminas abortum fecisse, memoriæ proditum est, quas γοργεία ex eo appellarunt, vel, ut habet Pollux γοργόνηα, quod de re quapiam horribili, ac terrificæ γοργείη κεφαλή dici soleret, ut est apud Philostratum

de

de vita Appollonij lib. vii. cap. x. Nec abs re dictum videri debet, ideo Personas, & προσωπεῖα Laruas appellari, & μορμούχεια, quæ nomina non oris, capitisue operculum, sed rem quandam terrificam præferunt, quia latiori significatione pro quocunque habitu ficto, Persona sit accipienda. Nemo enim inficias ibit ad pertèrrefaciendum nil minus valere (quantum quidem primo quodam intuitu res ficta valeat) deformem corporis, quam faciei habitum, neq; horribilem magis aspectum habebit ille, quem Pomponius ait; *Magnus manducus*, secundum Festum, *Larè dehiscens*, & *ingentem sonitū dentibus faciens*, quam mōltrum illud ἄμορφον, seu potius πολύμορφον, quale initio Epistolæ ad Pisones describit Horat.

Humano capiti cervicem pictor equinam

Iungere si velit, & varias inducere plumas,

Undiq; collatis membris, ut turpiter atrum

Desinat in piscem mulier formosa superne.

Huiusmodi autem habitus fictionē non ineptè forsā πρόσχημα appellauerimus, quæ appellatio quodāmodo congruere videtur; siue pro velamento ea intelligatur, & prætextu, ut propriè significat; siue pro specie quadā, & ornamento, ut est apud Aristotelem de Mundo cap. vj. καμβύσου, ξέρξου, τε καὶ δαρείου πρόσχημα, & apud Plutarchum in Fabio πρόσχημα τῆς ακροτάτης, καὶ μεγίστης ἀρχῆς. Sed conuenienter magis cum Hesychio σχηματισμὸν, quando nomen

nomen illud à verbo σχηματίζω deductum, quod in-
 terdum est simulo, & effingo, pro eo, quod est πλάσ-
 μα, hoc est cōmentum, & simulatio non raro à Græ-
 cis accipi deprehendimus; Quà ratione εἰς σχηματισ-
 μένος dicitur, à Rhetoribus sermo figuratus, qui su-
 perinductis aliundè colorum figmentis, non autem
 appositis vocibus animi sensus enunciet, & commu-
 niter σχηματοποιεῖμενος, qui non ingenuè loquitur,
 sed effictō vultu, & sermone assimulato. Non est au-
 tem dubiū pro Personatis, laruatīsq;, vel apud vete-
 res accipi solitos non eos tantum, qui Personis ora-
 tegerent, sed etiā, qui habitu ficto vestirentur; Qui
 poterant enim aliter accipi, licet ore detecto, qui eo
 vestitu in scenam prodirent, quō illum prodijisse re-
 fert Lucianus in Pseudologista inquitens: Nemo an-
 te te ingrediebatur Theatrum, nemo ne nomen quidem fa-
 bula, quod esset renunciabat, sed tu ornate admodum, au-
 reos habens calceos, & vestitum Tyrannicum ante cate-
 ros immittebaris, qui beneuolentiam à Theatro postulares
 coronas ferens, & cum plausu rediens. Vbi ijs verbis κοσ-
 μίως πάνυ, χουσαῖς ἐμβάδας ἔχων, καὶ ἐδῆτα τυραννικῶν,
 quis est, qui non videat Personam quādam hiltro-
 nicam, sine Persona tamen faciem tegente, graphi-
 cè circumscribi? Persuadet mihi etiam, nescio, an
 alijs pariter, quod Lucianus idem in Nigrino, cum
 pro more Philosophos incesset, illud se vel maxi-
 mē indignari ostendat, quia non itidem habitum mu-
 tant,

cant, cum utiq; quod ad cetera attinet eodem modo fabulam agant; In Græco enim *σχευω* exprimens, cæterum apparatus Personati Histrionis, cuius insistit metaphora, nihil tamen de oris tegumento innuere videtur. Vnde est, quod tum alijs, tum præcipuè Plutarcho in Aristophanis, & Menandri comparatione *σχευοποιός* dicatur ille, qui Personas appararet Histrionibus, quem etiam *προσωποποιόν* dici solitum habemus infra capite secundo. Cæterum hæc Luciani testimonia visum est latina apponere, ut in sequentibus etiam Græcorum pleraq; quia præter rem duxerim, & legentibus non peritis fastidium, & mihi ipsi laborem superuacaneum parare, ex quo nil aliud præter vanam affectatæ eruditionis ostentationem consequeretur. Ad rem vero; non aliter, quam pro Personatis acceptos fuisse, risumq; spectantium exciuisse (quod etiam aptè admodum Personatis conuenit) credendi sunt, vel Caius ille Caligula, cum referente Xiphilino, Iouem se, vel Iunonem, aut Venerem, aut Dianam fieri opinabatur, præter mutationem nominum, vestes quoq; capiens Dijs illis accommodatas, alijsq; rebus acceptis, dempsitq; varias formas induens, dum cætera omnia potius, quam homo videri affectaret; Quod & Suda teste Clearchus olim Ponticus. Heracleæ Tyrannus, vel etiam posteriore sæculo Commodus, quem consimili insania laborantem, narrat Herodianus; Deposito Romano-

mano-

manorum Principum cultu, Leonis sibi pellem sub-
 strauisse, manuq; clauā suscepisse, nec sine omnium
 irrisione, vestes sibi purpureas, auroq; intextas cir-
 cundedis, atq; Herculem se Iouis filium appellari
 iussisse, cum eodem schemate & foeminarum molli-
 tiam, & heroum virtutem repræsentaret. Nec omit-
 tendum, quod maximè facit ad rem cōfirmandam,
 §. ultimo. Authent. de sanctis. Episc. à Iustiniano
 prohiberi (quod & alias in Cod. Theodos. ab Arca-
 dio, & Honorio fuerat prohibitū) scenica exercenti-
 bus, *Uti schemate Monachi, monastrie, aut Ascetrie, aut*
imitari, & illudere in quacūq; ecclesiastica disciplina. Vbi
 Glossa, in verbo Monachi, notat *Reprobare, si quis al-*
terius veste in eius contemptum utatur, adeo, ut, qui utitur
teneatur iniuriarū; haud secus, quam ob ea, de quibus
 in Instit de iniurijs. § primo. Quasi eo σχήματι, quod
 inibi expressè nominatur, omne id comprehensum
 voluerit Imperator, quod, propter insignem muta-
 tionem, hominis in ecclesiasticarū cæremoniarum
 contemptum Personati speciem habeat (eodem ferè
 sensu, quo σχῆμα μεταβάλλειν pronuntiat inuidus
 apud Libanium declamatione iix. de habitus, & Per-
 sonæ mutatione in vicino repente locupletato, καὶ
 τῶν ὑποκριτῶν τὸ σχῆμα ὀξύτερον μεταβέβληκεν.) Qua-
 le crimē etiam apud Ethnicos detestabile, Alcibiadi
 exilium, bonorum publicationem, dirasq; peperit
 execrationes, cum, in eius vita referente Plutarcho,

C

Eleu-

Eleusiniensium mysteria, per vinum, simulasse delatus est, stola ipse sacra veluti Hierophantes indutus, sodalibusq; mystarum instar apparatis. Quod, si præsens etiam temporis consuetudinem attendamus; pro laruatis, Personatisq; puniendos, nemo est qui ignoret, non eos tantum, qui extra præfinitum tempus Personis ora tecti, sed eos etiam, qui habitu ficto instructi reperirentur. Quocirca sermo noster nō tantū de Personis erit, prout eæ vultui opponuntur, sed de habitus etiam quacunque diuersitate, quæ uti iam dictum est, vel lōgè abeat à vero, vel ad propositam imitationem se accommodet.

Personarum, & σχηματισμῶν ὕψος in scenis, προσωποποιός. Casteluertij in Aristotelem quantū ad Personas explicatio confirmata. In Suda mendum, vel ἀντιχρόνισμα. τραγῳδία. Satyrica. Comædia vetus. De ea notabile ex Aeliano. Cur ea sublata. Nouæ Comædiæ Personæ; ἀγύρται, qui olim μαγῶδοί, ἵψ; Personati. Item παλλοφόροι, & ἰδυφαλλοί, ὄρχησις, in ea; Personæ.

Caput II.



PEREDITIS ijs, quæ ad Personarum appellationem pertinent, si ad ipsarū apud veteres vsum declarandū deueniamus, eū quidem multiplicē fuisse obseruabimus, nullibi tamen frequentiore, quā in Scenicis, Theatrali-

tralibusq; spectaculis. Qua de re non est, cur superuacaneum arbitretur quisquam, à me qualecunque hoc spicilegium attentari post vberriam Bullengeri messem, cum vel collatio ipsa, me tacente, audaciæ meæ, haud certè immodestæ, plenam, idoneamq; excusationem præstare possit. Tria præsertim spectaculorum genera, notum est antiquitus in Theatris repræsentari solita; Ea fuisse Tragœdia, cuius quædam species erat Satyrica (in eorum enim recensione libet magis excellentiæ, quam temporis ordinem respicere.) Inde Comœdia, à qua non longè abesse dicemus Magodiam, necnon Ithyphallorum, Phallophorumq; cantiones: Tum ceteris mirabilior, & quam nostra ætas ignorat Orchestice. Vnumquodq; autem eorū suas habuisse Personas, & σχηματισμοὺς nemini dubiū esse debet: Cum enim talia agentes imitationem faciant, quod docet Aristoteles, Poetices capite jv. necesse est, ipsos apparatus habere ad imitandum, quem idem Aristoteles inter Tragœdiæ partes ὀψίως nomine designat. Cūq; nullam rationem haberent scenici, qua melius, exactiusq; imitarentur, resq; inter agendum ante oculos spectatorum ponerent, idcirco Personas habitu, facieue simulatas in Theatrum produxerūt. Ex quo factum est, quod Personarū vsum peculiarem adeo Histrionum fuisse persuadere conentur nonnulli, ut nemo prorsus, præter illos eas olim usurpare con-

fueuerit; quodq; προσωποποιον inter Histriones fuisse, quasi Personarum instructorem, quem χειροποιος etiam, ut supra retulimus, hoc est Apparatorem dicas, tradit Iulius Pollux lib. xj. cap. xij. & lib. jv. cap. xix. Et Theophrasti locus est in morum Characteribus c. vj. ex quo didicimus, Personatos Histriones egisse spectacula, & sic Personatos a spectatatoribus exegisse. Qui vero huius instituti vetustatem ex eo arguunt, quod Poetices cap. xj. Aristoteles ipse, qui pauca ignorauerit, ignorare se innuat, quisnam Personas repererit, ipsius Aristotelis mentem haud afsecuti videntur. Non enim de Personis, prout Laruæ sunt, sed de Personarum distinctione, de qua etiam Donatus in Terentium, loqui hoc loco Aristotelem, cum omnium doctissimo Poetices explanatore Casteluetro, credendum est. Cuius sententiæ eo libentius accedo, quod nullo argumento persuaderi possum, Aristotelem, cuius dictio alioquin simplex, pura, & quod illi peculiare fuit maxime propria, πρόσωπα nominatim dicturum, quo vocabulo hominis potius externa species, quam aliud quidpiam proprie designatur, quasi id, quo homo ipse πρόσωθεν ὀπίσθεν, hoc est anteversus prospicit, ut denominat ille iij. de partibus Animalium cap. primo, si προσωπίδα, quæ Laruæ sunt intellectum voluisset: Non ideo negarim à vetustissimo usque tempore id moris inualuisse. A Liberalibus autem, de quibus infra,

Thea-

Theatrales ludos ortum habuisse, annotant Seruius ad Virgilij Georgicorum secundum, & Donatus ad Terentium. E tragicisq; primum Sudas refert Chærilum Atheniensem, quem circa lxx. Olympiadem incertamen tradit descendisse, secundum quosdam Laruas, & scenam inchoasse, alibi tamen, quod & Diomedes, & Græcorum plerique Thespim facit Personarum inuētozem, postquam is ab initio vultum minio inunxisset, dein portulaca texisset, quod & confirmare videtur Horatius;

plaustris vexisse Poemata Thespis,

Quæ canerent, agerentue peruncti secibus ora.

Lineas autem eas fuisse, cumq; fabulas edidisse dicit Olympiade lxx. Nec desunt, qui Aeschilo huius rei palmam tribuere non dubitēt, testimonio se niti posse arbitrati Horatij in Poetica dicentis.

Post hunc Personæ, pallæq; repertor honesta

Aeschylus;

Cum tamen Aeschylum his verbis dictum voluerit Horatius (garriat quantumlibet Porphyrio) non Personæ simpliciter inuentorem, sed Personæ honestæ, ad differentiam Personarum minus conuenientiū, quas reliqui ante illum, vel etiam ille ipse primis temporibus introduxerat, ex quo factum puto, ut Aeschylus (quod Philostratus refert) Tragœdiæ parens sit appellatus. Huc forsan crederet aliquis eos Aristophanis versus *αἰβάρραχαις* pertinere, quos pronun-

nuntiantem introducit Euripidem, cum apud inferos de palma cum Aeschylō altercaretur.

Primum quidem unumquempiam sedere fecit, cooperiens

Achillem aliquem, aut Niobem, faciem non reuelans.

Ni Aristophanis scholiaſtes aperte doceret, hoc nō ad Personæ, ſed ad mutæ Personæ inuentionem pertinere; Achilles enim (ait ille) ſedens eſt, & nihil reſpondens apud Aeschylum in fabula, cui titulus Phryges, aut Hectoris Lytra, prout etiam in Myrmidonibus ad tertiam uſq; diem ne verbum quidem emittens. Certe Sudas in voce Aeschylus inuentorem ipſum fuiſſe dicit Personarum terribilium, & horrificarum, quod & ſuperius aliunde relatum, Pausaniaſq; in Atticis eum primum Erynnibus anguineos crines adſinxiffe. In Suda tamen notabile ἀντιχρόνισμα manifeltè deprehenditur, cum dicat certaffe Aeschylum nona Olympiade; ni mendum potius ſubefſe, idq; exſcribentis vitio imputare malimus, cui nona fortè, pro ſexageſima nona, in notis numeralibus exprimendis, exciderit. Cui aſtruendæ coniecturæ fidi alicuius manuſcripti opem deſiderarem, vt, quæ vero non admodum diſſentanea videatur, ſi ad ea compareretur, quæ de Aeschylō Pausanias habet in Atticis; naualibus ſcilicet eum prælijs ad Artemiſium, & Salaminam, quæ in Olympiadem lxxv. inciderunt, non ſine Virtutis eximiæ laude inter fuiſſe, quin, & ipſum iam morti proximum, in operis cuiuſdam fronte, de rebus

rebus à se præclare gestis in Marathonia pugna, qua Græci Persas fugarunt, Olympiade lxxij. Marathonium saltum, Persasq; ipsos testes inuocasse. Nihil enim est, ut moretur quisquam Aeschyli ipsius interpretem, qui sexagesima eum asserit Olympiade claruisse, si tamen Suda fidem saluam velit, non eum xlv. annis minorem initium certandi cum Poetis fecisse. Post Aeschylum, eodem Suda teste, Phrynicus mulierum Personas, pædagogiq; Neophron Sycionius adinuenere: Apud Romanos, ante Liuium Andronicum galeros, non Personas in usu fuisse, refert è Diomede Bullengerus; Personisq; primum uti cepisse Roscium Gallum, de quo præclarum est illud Ciceronis elogium, oratione pro P. Quinctio, quod cum artifex eiusmodi esset, ut solus dignus videretur esse, qui in scena spectaretur, Vir tamen eiusmodi esset, ut solus dignus videretur, qui eo non accederet. E' Donato autem habemus Minutium, & Prothonium primos Personatos tragœdiam egisse, quod adeo obtinuit in posterum, ut Nero ipse Cæsar, quod est apud Suetonium cap. xxj. *Tragœdias cantauerit Personatus, heroum, Deorumq; item heroidum, & Dearum Personis effectis*; Nō enim immane illud monstrum rem vllam intentatā reliquit, qua prædecessoris Caij insaniam, vel æmularetur, vel, si posset, etiam anteuenteret, quem supra retulimus, ex Xiphilino, Deorum, Deorumq; imagines ridiculo studio affectasse. Vt cunq;

tamen

tamen sit, proprium adeo Tragœdiæ fuit Personis
 uti, ut à fecibus, quibus, ante excogitatas Personas,
 Histrionum ora inficiebantur, quæ Græcis *τρυγες*
 appellantur, *τρυγῶδες* primum dictam, mox, leui
 vscula facta mutatione, *τραγῶδίας* eam nomen inue-
 nisse sit creditum, à quibus etiam fecibus scenicos
 quosdam ludiones *τρυγῶδαιμονες* Aristophanes ap-
 pellat. Tragœdiæ Personæ, quæ fuerint apud Pollu-
 cem habes libro jv. cap. xvij. de ijsdem nonnulla
 quoq; apud Donatum in Prolegomenis ad Teren-
 tium. Earum vero ornatum his verbis describit Lu-
 cianus de Saltatione. *Turpe, & minime iucundum spe-*
ctaculum, homo longitudine deformi, atq; incomposita ex-
ornatus, altis calceamentis ingrediens, caput Larva mi-
naci obductum habens, tum per amplo ore hiantem, quasi spe-
ctatores deuoraturus; Mitto adscititia pectora, & ven-
tres factitios, adiunctam, & arte compositam corporis
crassitudinem &c. Tragœdiæ proxima fuit adeo Sa-
 tyrica, ut eius quodammodo species videretur, qualis
 extat fabula Cyclops inter Euripidæas, quod genus
 dramatis, licet post rudiora illa sæcula minus in vſu
 fuerit, suastamen habuit Personas, & *σχηματισμούς*,
 è pellibus, ut plurimum, hircinis, præter alia, quæ
 Dionysius describit Antiquitatum lib. vij. & Pollux
 libro supracitato cap. xix. & xix. quæue huc referre
 nostri non est instituti, cum præsertim de Satyrica
 copiosus extet liber Isaaci Casauboni, viri, quantum
 ego

ego quidem iudico, inter literatos nostri temporis, literatissimi. De Comœdia igitur, secundum ordinem propositum, si disquiramus, eam Personis instructam fuisse reperiemus, in veteri quidem (quod refert Pollux) similibus, ut plurimum ijs, qui suggillabantur hominibus, vel etiam maiori cum ludibrio effictis, quod fiebat ideo (ex Aristophanis scholiaste referente Bullengero) ut agnosci possent primo intuitu, priusquam actores aliquid dicerent. Eius rei testimonium, exemplo clarissimo confirmatum, habemus apud Aelianum ποικίλων libro ij. cap. xiiij. Suggestentibus Anyto, & Melito, Aristophanem ad incilandum Socratem, Comœdiam fuisse commentum, quam νεφέλας inscripsit, eiusq; effigie Personam effictam in scenam introduxisse, quo spectaculo, cœu inusitato, Athenienses primum obtupestactos, deinde, ut est vulgi natura ad bonorum odium proclivis, actorem plausu fauorabili excepisse; Socratem vero, qui non forte, sed consulto aderat, opportuno Theatri loco sedens, cum surrexisset, omnium in se conuertisse oculos, ut iucundum non minus spectaculum præberet ipse, sereno vultu, constantiq; animo dicacissimi hominis cauilla floccipēdens, quam ipsum drama, per se ridiculum, eaq; festiuitate referat, qua præditus Aristophanes, ut erat, videri quam maxime auebat. Quam narrationem notatu non indignam, breuibus à me comprehensam, plenior

D

rem

rem apud ipsum Aelianum, cui libuerit videre erit. Aristophanis etiam exemplo animatū Ameipsiam quendam, infimi ordinis Poetam, in Tribone Comœdia Socratem eundem per ludibrium induxisse, Laertius Diogenes indicat in eius vita. Veterem hūc morem imitatus Nero, nō Scenam minus, quā Majestatem imperij fœdauit, *Personis effictis ad similitudinem oris sui, & fœminæ, prout quamq; diligeret*, quod in eius vita refert Suetonius cap. xxj. &, quod Xiphilinus, in muliebri ornatu Sabinam imitabatur. At non diuturno admodum tempore vetus Comœdia vixit, quę populari statu Athenis imperium obtinente, tanto plebeculæ fauore excipi consueuerat, vt, quod Isocrates quæritur oratione *περὶ ἰσπύων* longe maiore in gratia apud ipsam esset, quam oratores de publicis vtilitatibus differentes, adeo inquam, vt impune fuerit ipsius actoribus potentissimos quosq; & præcipuos è Reipublicæ rectoribus contumeliosissimis probris impudenter dilacerasse. Dum enim suis se contineret legibus, quibus nixa, quod Horatius ait Satyra jv.

Si quis erat dignus describi, quod malus aut fur,

Quod mæchusue foret, aut sicarius, aut alioqui

Famosus, multa cum libertate notabat.

Videbatur (præter insitam popularibus animis ex optimatum vituperatione delectationem) tantum conferre ad rectum ciuitatis statum, quod infamiæ metu

metu à sceleribus plerosq; deterreret, vt, non iniuria, de ipsius præcipuis authoribus Eupoli, Cratino, & Aristophane Dionysius Halycarnaseus ἐν τέχνῃ pronuntiauerit, Philosophorum eos nihil minus, Politicorumq;, quam Poetarum munus adimpleuisse: Exoleuit autem, cum à peiorum imitatione, quæ eius est materia, Poetarum vitio ad bonorum criminationem, sed, & ad Deorum despicientiam sensim delapsa fuisset; vel, quod nimiam eius licentiam reprimendam censuerint Athenienses, lege lata, supplicioq; indicto, si quis nominatim quempiam probrosis carminibus proscinderet, quod indicat Horatius in Arte.

In vitium libertas excidit, & vim

Dignam lege regi, lex est accepta, chorusq;

Turpiter obticuit, sublato iure nocendi.

Et ad Augustum epistola prima, libri ij.

Donec iam seuus apertam

In rabiem verti cæpit iocus, & perhonestas

Ire domos impune minax, doluere cruento

Dente laceßiti; fuit intactis quoq; cura

Conditione super communi, quin etiam lex

Pænaq; lata, malo quæ nollet carmine quemquam

Describi

Quam legem (si credimus Acroni ὁνομαστομὴν appellatam) consimili apud Romanos sanctioni, de qua S. Augustinus ij. de Ciuit. Dei, è vj. Ciceronis de Republica, originem dedisse veri-

D

2

simile

simile videtur. Vel etiam ab edendis huiusmodi fabulis Poetæ ipsi sua sponte destiterunt (quæ scholiastis Aristophanis est sententia.)

Ad benedicendum, delectandumq; redacti.

Quod deficientibus populi viribus, pariq; illo omnium iure simul evanescente, cuius præsidio audaciores erant, statuq; in Oligarchiam verso, certissimæ semetipsos ultioni obnoxios fore animaduertent, ni à maledictis temperarent. Cuius rei documentum quoddam recēs dederat Aristophanes, quinque talentis mulctatus (vt ipse asserit in Acharnanibus) quod Cleonis Personam in Equitibus, minio oblitus, egisset, quam, præ Cleonis ipsius potentia, nemo ausus erat repræsentare; Quocirca primus ipse, fabula sine Choris edita, cui nomen Aeolosicon, stylum vertens à conuitijs abstinere cœpit. Quod enim multi asserunt, Aristophanis scholiastem secuti, Eupolim mari mersum ab ijs, quos in Bapteis perstrinxerat, cognominem suæ fabulæ casum subiisse, tam multi, & multa sunt, quæ redarguant, vt non inuitus hoc exemplo narrationem destitui permittam. Non tamen potui sine nota Iulij Cæsaris Scaligeri ἀνισοπνοσίαν præterire, qui id, quod de Eupoli sub dubio narratur, cap.vij lib.primi de Poetica, de Cratino asseueranter affirmat. Sublata igitur veteri Comœdia (de qua εἰδὲν in præsens ὀρίζω, peculiarem de ipsa tractatiunculam meditans) mediæ, novæq;

uæq; subsecutæ sunt, in quibus ludicræ quædam, & ad risum accommodatæ Personæ sunt excogitatæ, quales Menander omnium absurdissimas excogitasse perhibetur; Mæsonem hinc quendam Megarensē Hiltrionem Personam adinuenisse famuli, & coqui ab inuentore Mæsona vocitatam, ex Aristophane Bizantio tradit Athenæus lib. xiv. quod & confirmat Festus; Cuius Personæ, quod proprium esset irrisionibus, & dicterijs alios insectari, ideo *σκώμματα* eiusmodi Mæsonica etiam dicebātur. Nugæ vero fuerint (quod facere videtur Scaliger Poetices primo cap. xiiij.) Mæsoni huic vniuersam potius, quam singularem hanc Personæ inuentionem tribuere. Ebriosos quoq; Cratem Comicum, Aristophanis scholiastes ait, scenæ inuexisse, alij Epicharmum; Athenæus vero lib. x. Aeschylum primum ex omnibus contendit, Iasonem *ἐν καβίροις* ebrium induxisse, Heroas teneri mentitus ebrietatis vitio, quo ipse adeo laborabat, vt nisi ebrius Tragedijs scribendis manum non admoueret, quæ propterea Liberi Patris esse dictæ sunt. Quin & libro primo, eo nomine illum reprehendit, quod inepte, ac indecore Græcos tam ebrios inducit, vt matulas illis mutuis plagis perfringant. Horum exemplo, subsequenti-
bus temporibus, alij alias ad libitum Personas inue-
nerunt, quas attingit Donatus ad Terentium, & lon-
giori ordine recenset Pollux lib. iij. cap. xix. quibus
connu-

connumerari potest ea, quam *γεστας* *σφλωπώγους* appellat in Saturnalibus Lucianus. Latinorum primos Comædiam Personatos egisse Cincium, & falsum è Donato comperimus; & primam ex omnibus Nævij quandam fabulam Personatos Histriones habuisse, voluerunt nonnulli, ut est apud Festum, unde Personatæ fabulæ ipsa nomen traxerit. *Sed, cum post multos annos (verba sunt Festi) Comædi, & Tragædi Personis uti cæperint, verisimilius est, eam fabulam propter inopiam Comædorum actam novam per Atellanos, qui proprie vocantur Personati, quia ius est ijs, non cogi in Scena ponere Personam, quod cæteris Histri- nibus pati necesse est.* Terentij vero ætate, Histriones Personatos egisse, præter Donatum, testatur vetus ipsius Terentij Codex in Vaticana servatus, in quo Laruati passim, Personatiq; Histriones picti cernuntur. Mirumq; tanto in honore apud Histriones ipsos Personas fuisse, ut Theatralis applausus gloriam illis quasi acceptam referrent, quod notabilissimi euentus exemplo confirmat Plinius Naturalis historię lib. vij. cap. liij. M. Ofilium Hilarum Comædiarum Histrionem narrans, cum populo admodum placuisset, die natali suo, conuiuio exhibito, Personam eo die usurpatam intuentem, coronam è capite suo in eam transtulisse, talique habitu rigentem, nullo sentiente expirasse. Quid vero, si circumforaneos istos *ἀγύπτας*, qui cantionibus inconditis, rudique dra-

dramatis quadam specie plebeculam alliciunt, cui medicaminibus illis suis imponant, priori quo non defuisse, neq; minus, quam nunc temporis Personis vlos fuisse dicamus? Non defuerunt tamen, si credimus Athenæo lib. xiv. qui tale prorsus institutū profiterentur, quos *μαγιδούς*, vt & Strabo libro itidem xiv. artem vero *μαγιδίαν* idcirco asserit appellari, quod suis illi cantionibus Magicæ artis prætigia, medicamentorūq; vires declararent: Eos vero quam sæpissime, argumento è Comædis desumpto, varias Personas repræsentasse, nunc feminae, nunc lenonis, nunc adulteri, nunc temulenti. Apud Hesychium *μαγιδή* mollis est saltatio, ὀρχησις ἀπαλή, dicta (inquit ille) à Chrysogono Mago. Compares Magodis fuisse quodammodo videntur ij, quos Athenæus idem *φαλλοφόρους* ait appellari, item, quos *ιδύφαλλους* ex Semo Delio, quorum illi, quasi Histrionum præfultores in scenam prodibant, carmina quædam Baccho præcinentes, non ij quidem Personis faciei admotis, sed hederaceo quodam integumento adoperti, densisq; floribus, ac hædera ornati, ita, vt peculiari quodammodo Personati apparerent. *ιδύφαλλοι* vero Personati prorsus, coronasq; gestantes ebrios referebant, quorū munus erat, vt *φαλλόν* gestantes, carmen quoddam obscœnum, quod nomen ipsum designat in Theatris proferrent, illudque idem fortè est, quod *φαλλικὸν ὄρχημα ἐπὶ διονύσω* Polluci dicitur lib. jv. cap. xiv.

xiv. *Phallica saltatio in honorem Bacchi*. Sed his relictis ad ὀρχήσιν transeamus, quæ mirabilis præ cæteris, quod supra iam diximus, inter scenæ spectacula extitit, de qua vetus epigramma.

Tot linguæ quot membra viro, mirabilis ars est,

Quæ facit articulos, ore tacente, loqui.

Nulla etenim fabula erat, dramati accommodata, quam gestibus, saltuq; non ita exprimeret saltator, quin, ut ait Lucianus de Saltatione, *Personis in scenam introductis gestibus per omnia responderet, neq; ea, quæ dicuntur ab introductis optimatibus, aut Tyrannicidis, aut agricolis, aut mendicis discrepabant, sed in unoquoq; illorum proprietas, & excellentia demonstrabatur*: Sic, ut Demetrius quidam Philosophus, ad huiusmodi aliquando spectaculum inuitatus, audire se, non tantum videre dixerit ea, quæ saltator faceret. Saltatores autem Personas habuisse, tum verisimilitudo docet, ex diuersimodæ imitationis necessitate deducta, non enim, absq;, tali figmento, exacte poterat exprimi pars illa ὀρχήσεως, quam, è tribus secundam, σχῆμα Plutarchus appellat συμποσιακῶν jx. problemate xv. quod in eo gestu consisteret, ex quo propositæ fabulæ imitatio dignoscebatur: Tum verbis disertissimis Artemidorus cap. lxxiix. ὀνειροκριτικῶν. *In theatro saltare sibi videri compositum ad hoc, & alio apparatu instructum, probari; ac laudari, pauperi quidem opulentiam significat, sed non usq; ad senectutem; Regias enim*

nim

nim Personas exprimit, & imitatur, & multos ministros
habet saltator, verum post actum, & finitum drama so-
lus relinquitur. Sed apertius multo Lucianus his ver-
bis. Saltationis habitus, quam decens sit, & modestus,
quorsum attinet dicere, cum cæcis quoq; ista sint perspicua.
Larua ipsa pulcherrima, & subiectæ fabulæ respondens,
non immane hiat, ut Tragica, sed saltationi per omnia
conuenit. Quin, & huiusmodi saltatores ex eo Pan-
tomimos appellatos idem tradit, quod, vel vnus sal-
tator tot Personas sustineret, quot partibus fabulæ
constaret. Pantomimo nanq; (quod Cassiodorus ait
Variarum jv. epistola vltima) à multifaria imitatione
nomen est: Idem corpus Herculem designat, & Venerem;
fæminam præsentat, & marem; Regem facit, & mili-
tem; senem reddit, & iuuenem, ut in vno videas esse mul-
tos, tam varia imitatione discretos. Propterea barba-
rum quendam admiratum, quod quinque Personas
saltatori vnico apparatus vidisset, qui se omnes re-
præsentaturum polliceretur, Lucianus dixisse refert,
videri sibi, animas plures habere eum, qui talia au-
deret vnico tantum corpore præditus. Circa Augu-
sti primum tempora artem hanc prodijisse, auctor
est Zosimus, de qua, plura qui volet, vel ex Luciano
hauriat, è quo fonte pauca hæc, propinasse satis ha-
beo, vel ex Plutarcho, quo superius digitum inten-
di, vel etiam ex Athenæo lib. j. Si non ex ijs, quæ mul-
ta collegere, Scaliger Poetices primo, cap. xix. &

E

Bullen-

Bullengerus primo de Theatro cap. xliij. Adulterio-
ra enim me ipsius argumenti ratio, suo quidem iure,
non tergiuersantem, auocat.

Persona, & σκηνισμός in sacris celebritati-
bus. In Saturnalibus. Nonis Caprotinis.
Bacchi solennibus, ubi de Bacchanalibus, & Li-
beralibus. In minusculis Quinquatribus. In Me-
galensibus. Apud Coos in Herculis sacris. Nahar-
ualorum sacerdos. Argiuarum mulierum ὀβρισηά,
ijsque pene similis Charonda sanctio. Sacra Vene-
ris in Atthide; Romaq; Mutini Titini; & quis il-
le Deus. Pænorum mos in filijs Saturno immolan-
dis. De Bona Dea Iacobonius quidam notatus. Ex
Apuleio Isidis Pompa. Calcagnini lapsus. Syria
Dea circumlatores.

Caput III.



POST Scenæ, Theatriq; spectacula, nulli-
bi magis apud veteres in vſu fuisse Perso-
nam, vestitusue absonam mutationem
obseruaui, quam in eorum, quos veluti
Deos habebant festis, sacrisq; recolendis, quo fit, vt
omnem illum cultum, sui ipsius causa, per omnia ri-
diculum, ex huiusce ritus accessione, tanto maiori
ludibrio dignum fuisse appareat, vt ab eo non satis
demirer,

demirer, post diuturna tandem sæcula, sapientissimos homines, immo & gentes vix auelli potuisse. De mutua inter Dominos, & seruos vestium permutatione, quæ per septem dies mense Decembri fiebat in honorem Saturni, notum est magis, quam, vt explanatione indigeat, cum ex antiquis habeamus Lucianum, & Macrobiū peculiaribus libris Saturnaliorum nomine, singula ad hunc ritum attinentia pertractantes: è quibus non omittendum illud occurrit apud Lucianum, quod è re nostra est, paucis forte notatum; fas fuisse ijs diebus, præ ceteris solutioris ludi generibus, facie fuligine oblita incedere. Saturnalia etiam fœminis propria fuisse Calendis Martijs, affirmat Laziū lib. x. commentar. cap. jx. in quibus consimilis vestium mutatio ab ijs vsurparetur, quæ præter auctores ab ipso citatos, innuit Macrobius Saturnalium primo, cap. xij. Et ne inuidetiæ causa inter ancillas, & famulos altercatio oriretur, Festum ancillæ quoque, quam simillimum, quod Nonas Caprotinas appellarunt ex eo nactæ sunt, die quinta Iulij Mensis, quod vt refert *ὁ παρὰ Ἀλλήλους*, & alibi Plutarchus, cum bello Gallico, hostilis concubitus dedecus à Matronis, vafro commento, auertissent, dignæ visæ sint, quæ in huius facinoris memoriam, statō die, matronali vestitu superbirent. Quod, ex pari euentu, apud Smyrnæos quoq; celebre fuit. Si vero hæc præterire velimus,

E 2

non

non prætereunda certe Bacchi solennia, in quibus talem imprimis ritum vsurpatum scimus. Threiciarum mulierum Bacchantium habitus, quo schemate, Progenes astu, Philomela delitescens, Terei cultodiam euasit, nil aliud, quam Laruas quasdam fuisse deprehēderit, qui Ouidij hos versus vj. Metamorph. attentius considerauerit.

*Tempus erat, quo sacra solent Trieterica Bacchi
Sithonia celebrare nurus, nox conscia sacri,
Nocte sonat Rhodope tinnitibus aris acuti,
Nocte sua est egressa domo Regina, Deiq;
Ritibus instruitur, furialiaq; accipit arma;
Vite caput tegitur, lateri ceruina sinistro
Vellera dependent, humero leuis incubat hasta.*

Et paulo post.

*Germanamq; rapit, raptaq; insignia Bacchi
Induit, & vultus haderarum frondibus abdit.*

Cæterum hunc ritum, non apud Thraces tantum, sed & apud Græcos, & Latinos frequentem, peruentumq; fuisse ex Virgilio habemus Georgicorum ij. cum luculenta adeo Personæ descriptione, ut ea, quæ attuli nullum certius argumentum requirant.

*Baccho caper omnibus aris
Ceditur, & veteres ineunt proscenia ludi;
Præmiaq; ingentes pagos, & compita circum
Theside posuere, atq; inter pocula læti
Mollibus in pratis vinctos saliere per vires;*

Nic

*Nec non Ausonij, Troia gens missa, coloni
Versibus incompertis ludunt, risuq; soluto*

Oraq; corticibus sumunt horrenda cauatis.

Ne quis autem putaret de Bacchanalibus loqui Virgilium, quorum, & turpitudine nota est, & institutio recentior, quæque breui post (ante Virgilium certe) ob flagitiosam obscenitatem Roma eiecta fuisse perhibet Liuius lib. xxxix. sacra hæc Liberalia fuisse sciendum est, in honorem Liberi Patris, ad vberiore vinearum prouentum impetrandum instituta, quod ex eo constat, qui proxime post supracitados sequitur Virgilij versu.

Hinc omnis largo pubescit Vineæ sætu;

Ea Græcis *Διονύσια* fuere, neq; flagitiosis, & nocturnis congressibus, vt Bacchanalia, sed ludicris quibusdam, & ridiculis, tum quouis anni tempore potu vini vberioris solenniter peragebatur, tum etiam præfinitis diebus. Incidebant enim Romæ post veris initia, quo tempore vina à fecibus eximebantur: In Græcia vero, quod Theophrastus expresse docet *χαρακτήρων* cap. ii j. *περὶ ἀδολεσχίας*; in mensem *ποσειδεῶνα*; qui, vel sit December, vt facit Theodorus Gaza; vel Ianuarius, vt Iosephus Scaliger, vel vtriusq; partem occupet, quod pluribus probatur, vt magis consentaneum; *τὸ παντὸς διαμαρτάει* Auberius, qui hunc Septembrem interpretatur, *πανανψιῶνα* Iulium, *Βονδρομιῶνα* Iunium, quorum ille verius sit

Octo-

Octobris, & Nouembris pars, hic vero Septembris, & Octobris. Sed, ne longius euagemur, quod in his tralatitijs haud difficulter euenit, præter hæc Bacchi sacra, fuerunt etiam minuscule Quinquatrus, in honorem Mineruæ, in quibus Personæ adhiberentur, si Plutarcho itandum, quæstionum Romanarum lv. Idibus Ianuarijs; si vero Ouidio, fastorum vj. cui etiam Censorinus ad stipulatur cap. xj. Idibus Iunijs. Ouidius.

Et iam Quinquatrus iubeor narrare minores,

Huc ades o cæptis, flaua Minerva meis.

Cur vagus incedat tota tibicen in urbe,

Quid sibi Personæ, quid toga picta volunt?

Censorinus vero. Non tibicinibus, per quos numina placantur esset permissum, aut ludos publice facere, aut vesci in Capitolio, aut Quinquatribus minuscule, hoc est Idibus Iunijs (malim urbem, si corrigendi ius mihi arrogarem, non enim facile occurrit, hoc alibi, quam Romæ factitatum) vestitu, quo vellet Personatis, temulentisq; vagari. His accedunt, quæ scribit Valerius lib. ij cap. v. à quo cæremoniæ huius originem petere cuius erit in promptu. Tibicinum (inquit) Collegium solet in foro vulgi oculos in se conuertere, cum inter publicas, priuatasq; serias, actiones, Personis tecto capite, variisq; veste velatis, concentusq; edunt. In Megalensibus quoq; qui à die ante Nonas Aprilis, usque ad v. Idus, in honorem Matris magnæ, celebrabantur, ait
libro

libro primo Herodianus; *Summam omnibus quouis ludendi modo concessam licentiam*, adeo, *ut unusquisque quamcunq; vellet Personam repræsentaret, neq; ulla esset tam magna, aut eminens dignitas, cuius habitum non liceret ei, cui libitum fuisset, induto ludere, & veram speciem occultare, ita ut non facile esset eum, qui imitaretur ab eo, qui reuera esset dignoscere*; sic, *ut licentiam huiusmodi ad struendas Commodi insidias opportunam putauerint nonnulli, infauito tamen euêtu. In his etiam sacris, ante Dæ simulacrum ludere, Matronasque spectatæ pudicitæ psallere solitas, memoriæ prodidit Alexander ab Alexandro Genialium xvj. cap. xix. quin, & conuiuia sodalitatesq; inuicem agi; & quod Ouidius testatur saltorum jv. Scenici ludi populo exhiberi.*

Scena sonat, ludiq; vocant, spectate Quirites,

Et fora Marte suo litigiosa vacent.

Herculis etiam sacra apud Coos Antistitem auspicaturum, muliebrem stolam induisse, capitique mitram circundedis, narrat Plutarchus quæstionum Græcarum lvij. ex eo occasione defumpta, quod Hercules ipse, è Troia rediens, illuc tempestate delatus, cum Meropum multitudine opprimeretur, ad Thressam quandam mulierem confugere, taliq; illos habitu fallere sit coactus. Eodem prorsus ornatu (Tacito referente) Castoris, & Pollucis antiquæ religionis luo, apud Naharualos in Suentia sacer-

dos

dos praesidebat. E contra vero, mulieres apud Argiuos, patriæ ab hostibus Spartanis, post viros ingenti interneccione cæcos, proprio Marte vindicatæ, gloriosum illud *μνήμα* seruarunt, quod Plutarchus *γυναικῶν ἀπερᾶς* commemorat, ut in ipso Nouilunio quarti mensis (qui Thot olim Aegyptijs, ipsis pari significacione *ἐρμῆϊος*, nobis September est) quodie ab ipsis prospere pugnatum fuerat, sacra quotannis celebrarentur *ὕβρις καὶ*, idest contumeliosa, quibus mulieres ipsæ virilibus tunicis, viri autem muliebribus induti interessent. Qua in re non tam videtur admiratione dignum, quod fœminile robur Naturæ modum excesserit, quin vberiore risum eliciat turpis virorum tolerantia, qui talem à se, quasi muliebris ignauiae confessionem extorqueri permiserint: Recte enim, sapienterq; Charondas (quod scribit Diodorus lib. xij.) nullum censuit grauius supplicium irrogandum ijs, qui, vel in prælijs ordines deseruissent, vel patriæ causa armorum periculum subterfugissent, quam, ut in certissimum timiditatis, & inertiae testimonium, muliebri stola exornati in medio foro omnium oculis exhiberentur. Cyprij quin etiam, quod Venerem marem simul, & fœminam existimarent (ut cap. viij. lib. iij. Saturnalium Macrobius) signum ipsius habuerunt statura, effigieq; virili, utpote barbatum, veste autem muliebri, cui sacrum facturi apud Atthidem viri simul, & mulieres

mulieres indumenta vicissim commutabant. Et, Festo docente; *Mutini Titini sacellum fuit Romæ, cui mulieres velatæ togis prætextis solebant sacrificare.* Quod velamenti genus, cum utiq; esset extraordinarium, non iniuria inter Personas locum sibi vindicat; seu prætextam velimus (quod vero videtur similis) peculiarem fuisse Magistratum quorundam, puorumq; nobilium; seu cum Asconio Pediano fœminis usq; ad nuptias etiam communem. Mutinus autem ille erat, quem Arnobius libro jv. & Lactantius Institutionum i. cap. xx. Mutunum appellant, cuius immanibus pudendis, horrentiq; fascino (~~ex quo~~ ~~foris~~ tales aliqui mutoniati dicuntur) sponsæ nubentes insidere permittebatur, quasi auspicabile ducerent cæca illa pectora, quod illarum pudicitiam Deatæ aliquis prior delibasse videretur. Ne autem pars vlla nefarij cultus Personæ velamento destitueretur, apud Platarchū *περὶ δαισιδαίμονίας* refert Empedocles, solitos fuisse Pœnos, quotiescunque propria pignora hostias Saturno immolarēt (quod consuetum illis, præter omnes humanitatis leges) ipsorum genuinam formam alio schemate transformare, ea forte de causâ, ne patrius affectus ab illa tam perspicua agnitione excitatus, facinus execrandum retardaret. In sacris etiâ Bonæ Deæ Personas adhibitas, tradit Iacobonius quidam, de Veteri Cæsiorū gente, quo auctore non compertum: Suspicio vero,

F in quos

*Inde illi præculdus
ho nomen a Muti
tore a quo etiam*

in quosdam versus illum incidisse, quibus Iuuenalis Satyra ij. sceleratissimas suorum temporum libidines exagitans, in ipsius Deæ secretis sinistram morē inualuisse demonstrat, ut exclusis à limine scēminis, solis maribus aditus ad illa pateret, cum alioquin religiosè adeo mares arceri consueuissent, ut etiam picturæ velarentur, quæ virilis sexus figurā repræsentarent; tristèq; adeo piaculum admissum crederetur, si cuius forte eo peruasisset audacia, ut non nisi grauissimo supplicio expiari posset, quod talem ob causam, decreto Senatus, haud dubiè Clodius pertulisset (Cicerone pluries asserente) ni turpissimo corruptelæ genere à nefarijs iudicibus absolutionē extorsisset. Vidit, inquam, aut fallor, versus illos Iacobonius; putauitq; apparatus illum, quo viri modis omnibus in scēminas deformati describuntur, non, ut res est ad execrandæ libidinis usum, sed ad sacrorum ritum pertinere; quæ dicta sufficiant, ne videar in lapsibus alienis (quod angue peius exhorreo) ingeniosus esse velle; licet Iacobonius idē, cum eandem, quæ Isis est, faciat Bonam Deam, manifestissimo rursus, nec tolerabili errore labi videatur. Isidis tamen sacrum apparatus, tanta schematum diuersitate, ridiculisq; cōmentis instructum describit Apuleius Metamorphos. lib. xj. ut nulla verius Pompa; Personatorum quoddam simulachrum, & imitationem repræsentet. Ecce (inquit ille) *Pompe magna*

magna paulatim procedunt anteludia, vocibus cuiusq; studiis exornata pulcerrimè. Hic incincto baltheo militem gerebat; illum succinctum chlamyde copides, & venabula venatorem fecerant; alius soccus obauratis, indutus sericea veste, mundoq; pretioso, & ad textis capite crinibus, incessu perfluo fœminam mœtiebatur; porro alium ocreis, scuto, galea, ferroq; insignem è ludo putares gladiatorio procedere: Nec ille deerat, qui Magistratum fascibus purpuraq; luderet; nec, qui pallio, baculoq;, & baxeis, & hircino barbitio Philosophum fingeret; nec, qui diuersis arundinibus, alter aucupem cum visco, alter piscatorem cum hamo indueret. Cætera verò, quæ longa oratione persequitur Apuleius, qui legere apud ipsum volet, haud iniucundam descriptionem habebit frequentissimè vtriusq; sexus turbæ, in qua alius prout libido esset alium gestaret habitum, à vero tamen longe diuersum, & in qua, vel ipsi Antistites laruatorum præferrent imaginem, partim augustiori, quam pro consuetudine indumento, partim vero canis, aut etiam bouis facie suscepta. Quæ licet ex Aegyptiorum institutis emanasse videantur, non tamen ferendum, quod in Personatis Calcagninus hunc locum inueniens, de Aegypto loquatur, cum apud Cenchreas, quod fuit Corinthiorum nauale, hæc se vidisse referat *ὄντιος* ille Philosophus. Mystas etiam Syriæ Deæ, quodammodo Personatos eius simulachrum deduxisse auctor est Apuleius idè Metamorph. iix.

Varijs eos, dicens, coloribus indusiatos, & deformiter formatos, facie cenoso pigmento delita, & oculis obunctis graphice prodijisse, mitellis, & crocotis, & carbasinis, & bombycinis iniectos. Et hæc quidem de Personarum in sacris, festiuisq; Idolorum diebus apud veteres usurpatione.

Idem ritus in epulis, & comessationibus, testimonijs, & exemplis comprobatus. In iisdem Larua argentea è Petronio. *σοματια* apud Ausonium. Mos Aegyptiorum, Chinensium, Coorum, & mulierum Argiuarum. Lycurgi institutum.

Caput IV.



EORVM sacris, atq; solennitatibus epulæ, & conuiuia proximè accedunt, siue publica ea sint, siue priuata; In ijs verò Personas nōnunquā adhibitas, & *σχηματισμους* testes ex antiquitate locupletissimos habemus. Atheniensium quidem moris fuisse in talibus Personas gestare, Demosthenes de falsa legatione docet, his verbis de Epicrate loquens. *Et huius execrādi Cerybionis, qui in solennitatibus sine Persona comessatur.* Homini sic exprobrans summam impudentiam, quod eum non pueret aliorum consuetudini aduersari, & sine Persona publico, festoq; conuiuio inte-

interesse. Idem etiam apertè satis Philostratus innuit
 ἐνὶ οἴῳ Comum Deum describens, quem multa tur-
 ba circumseptrum depingit, in qua (inquit) mulierculæ
 cum viris incedunt, & calceamentum commune habent,
 & præter propriam amicitiam consuetudinem, nam Comus,
 & mulieri virum agere, & viro stolam induere mulie-
 brem, muliebriterq; incedere permittit; utpotè, qui ebrie-
 tatis, & comessationum Deus sit creditus, ut Philo-
 stratus idem infra ἐν Βοσπορῳ, & ἀνδρῶν. Neq; exē-
 pla desunt ad hæc cōprobanda, legimus enim apud
 Athenæum lib. xij. Alexandrū illum Magnum cum
 lautius solito conuiuia celebraret, nunc Hammonis
 habitum purpureum, & cornua, tanquam Deum ge-
 stasse, nunc in Dianam se, aut Herculem, aut Mer-
 curium refinxisse, quæ sanè fictions, effigierumq;
 variationes (absque oris tegumento fuisse conceda-
 mus) Regem tamen illum verè lauratum, Personā-
 tumq; constituebant. Pari modo Augustus epulum
 amicis dedisse traditur, quod vulgo δόξα δ' εὐδ' voca-
 batur, in quo Deorum, Dearumq; habitu exornati
 conuiuæ discumbebant; ipseq; præcipuè Apollinis
 ornatu conspicuus. Qua de re festiuū est hoc, quod
 sequitur Epigramma apud Suetonium in eius vita
 capite lxx.

Cum primum istorum conduxit mensa choragum,
 Sexq; Deos vidit Mallia, sexq; Deas;
 Impia dum Phæbi ludit mendacia Caesar,

Dum

Dum noua Diuorum cenat adulteria :

Omnia se à terris tunc numina declinarunt ,

Fugit & auratos Iupiter ipse thoros .

Quin, & publicè acclamatum est, Deos frumentum omne comedisse, cum summa penuria, & fames inter hæc ciuitatē vrgeret. Solitum etiam fuisse, vt Laruæ quædam in medium conuiuiū iacerentur, ea arte fabricatæ, vt figuram quamlibet exprimerent è Petronij Satyrico vulgatum est, cuius hæc sunt verba. *Potantibus ergo, & accuratissimè lautitias nobis mirantibus, Laruam argenteam attulit nobis seruus, sic aptam, vt articuli eius, & vertebraeq; coactæ in omnem partem flecterentur. Hanc, cum super mensam semel, iterumq; abiecisset, & catenatio mobilis aliquot figuras exprimeret, Trimalcio adiecit;*

Heu, heu nos miseros, quam totus homuncio nil est,

Sic erimus cuncti, postquam nos auferet orcus.

Quæ res ideo fiebat, vt mutationis, breuitatisq; vitæ homines commonefacti ad lætitiā incitarentur, quò de præsentis vitæ fructu nihil abijcerent. Tangit etiam hunc morem Aufonius in Præfatione Eydilli xij. ludicriq; hoc genus illud esse asserit, qd̄ supra diximus *σωματιον*, Latinis oscilla nuncupari. Id verò notum est ab Aegyptijs profectū, apud quos solenne erat (teste Herodoto in Euterpe) vt vnus aliquis ligneū cadauer inter epulas circumferret, conuiuas hoc pacto ad bibendum, & oblectationem inuitans

uitans. Nec prætereundum hoc loco, quod de Chinenſibus ſcriptum inuenimus, quam gentem bonis moribus excultam, multarumq; rerū admirabilium ante Europæos inuentricem fuiſſe cōſentiunt de rebus Indicis vniuerſi ferè Scriptores; conſueuiſſe eos ſcilicet, vt nullius generis lautitiarum deſideriū relinquatur, conuiuas, quos opiparo admodum apparatu excipiunt, per homines Perſonatos iocis, & facetijs oblectare. Pertinet huc etiā, quod de Cois habet Plutarchus quæſtionum Græcarum li. ix. ſtatutum apud eos, vt in nuptiarum ſolennibus vir muliebri veſte vteretur, quo veluti Symbolo demōſtratum fuiſſe crediderim, vel alternam operam viri, & vxoris in re familiari adminiſtranda neceſſariam, vel potius virilem animum vxorijs, patrijſq; affectibus debilitari, quaſiq; effeminarī plerunq; ſolitum, iuxta eam Lucretij ſententiam.

Et Venus imminuit vires, pueriq; Parentum

Blanditijs facile ingenium fregere ſuperbum.

Quam Taſſius noſter Poematis emendatiſſimi Rhapsodia x. In Orcano quodā elegantiffime expreſſit.

E lieto homai de' figli, era inuilito

Ne gl' affetti di Padre, e di Marito.

Huic vero Coorum conſuetudini legem, quaſi contrariā ab Argiuis mulieribus, poſt rem bene geſtam inſoleſcentibus ſancitam, qua nuptæ in ipſo concubendi actu barbam habere iubebantur, ſat erit digito in-

to innuisse apud Plutarchum de mulierum virtutibus, cum nihil suboleat prorsus, nisi muliebris impotentiae redundantiam, in virili sexu proculcando ferociter debacchantem. Probabilioris consilio apud Spartanos Lycurgus nubentibus feminis virilem habitum, capillorumque tonsuram designauit (quod ex eiusdem auctoris arcula deprompsimus) ut, quas ceteroquin masculis exercitationibus assuefactas volebat, tali mysterio commonefaceret, ad hoc potissimum virile robur, animumque necessarium ipsis futurum, ut onera vitae conjugalis intrepidè sustineret.

Personae in Triumphis *ἑπὶ τὰς νίκας* Unde. Huius rei ab Atheniensibus origo. Personae in bellis, *ὁμοειδισμοὶ* ad hostes decipiendos, sed, & ad terrendos, cuius rei exempla ē Gelonis, Aethiopibus, Phocensibus, Arijs, Hunnis, & Britannis, ubi per occasionem glastii vox asserta apud Caesarem; & de Agathyrhis Seruius mendacij conuictus. Exemplum ē Britannicis item mulieribus. De veteribus quibusdam armaturis, & Turcarum Dellyis.

Cap. V.

In verò in bellis etiam, immo, & in ipsa Triumpho celebritate Personarum quādam speciem visam dicamus, ne quis absurda nimis me proferre existimet: De triumphis enim notum est, adeo, ut à thrijs, quæ
hic d.

ficulnea sunt folia, quæq; ante inuétas Personas earum vicem supplebāt, Triumphi nomen deductum aliqui velint. Priusquam enim (ait tomo ij. Zonaras in Diocletiano) scenici Personas excogitassent, ficulneis folijs facies velati, dictæ versibus Iambicis proferebant, quam licentiam & milites in Victoriæ festiuitate, eodem ornatu, in Victores usurpabant, atq; hinc Triumpho nomen: à *Σπῖον*, scilicet, & *ἴαμβος*, *Σπῖαμβος*, quæ vox paulisper immutata latine Triumphum effecit, quod & Sudas quasi confirmare videtur; licet alij non desint, qui nomen hoc aliundè deriuasse opinentur. Vt cunq; sit, talem apud Romanos militum licentiâ in Triumphis nō est, qui ignoret, quod validissimi argumenti loco deseruit. Indicat præ cæteris lepidè Martialis lib. iij.

Consueuere iocos vestri quoq; ferre triumphi,
Materiem dictis nec pudet esse Ducem.
& lib. vij.

Festa coronatus ludet conuitia miles,
Inter laurigeros cum comes ibit equos.

Quam licentiam à veteri Atheniensium instituto fluxisse, vero haud absimile videtur, apud quos nihil minus permittebatur Personatis hominibus celebres quoscunq; viros, in publicis Pomparum apparatibus, conuitijs appetere. Quod priusquam occurreret apud Dionysium Halicarnasseum lib. vij. didiceram ego ex Demosthenis oratione *περὶ τῆς*

G

παρα-

παραπροβείας, in qua tale probum ab ipso Aeschili
 ni obijcitur. *Et si pileolo capiti imposito obambularis,*
& in me conuitia dixeris; quo loco eius scholiastes
 Vlpianus annotat, *Homines Personas gestantes in Pom*
pis conuitiari solitos, infraq; eas pileolos habuisse, ne lade
retur, & attereretur caput; non tantum *παλίσια* nomi
 nans, vt Demosthenes, sed expressius etiam *πρωτω*
πεία. Si quis autem absurdum existimaret, quod pi
 leolos infra Personas habuisse tales dicantur, qui, se
 cundum probabiliorē verisimilitudinem, eas in
 fra pileolos habuisse debuerant; is considerandum
 sibi proponat, nulla re nos prohiberi, quo minus cre
 damus, fieri potuisse, vt Veterum Personæ ea fuerint
 forma, & magnitudine, qua, si nunc vniuersum oc
 cupantes, eiusmodi pileolis locum infra se faciliè re
 linquerent. Adstipulantur ijs, quæ diximus, Her
 mogenes libro de Methodo grauitatis, nec non Plu
 tarchus ἐν πολιτικῶις παραγγέλμασι, ciuilem virum
 à tali petulantia speciosissimo auocamento deterres:
 Atq; hinc est, quod Socrates nihil commotus sit, ob
 contumeliosa in se Aristophanis verba, quod (vt est
 apud eundem *περὶ παιδων ἀγωγῆς*) nihil differre per
 suasum haberet, in Theatro ne, an in publico con
 uiuiο dicerijs incessetur. Quis neget autem, haud
 multū à Personatis distasse Alexandrum illum Ma
 gnum, eiusq; copias, cum (vt refert Q. Curtius, cæ
 teriq; eius vitæ Scriptores) comessabundus per Ca
 rama-

rama-

Syntagmation.

51

ramaniam incessit, Bacchi cum triumphum imita-
tus, ita, vt exercitus ille non militum, sed furentium
Baccharū chorus videretur. Et hæc quidem de Tri-
umphis ad propositum argumentum in mentem ve-
nere. De Personis verò, seu Personarum quadā spe-
cie in ipsis prælijs, vel ad circumueniendos, vel ad
perterrefaciēdos hostes vsurpata; quantum quidem
ad fallendos, hoc inter sagaciora stratagemata sem-
per obtinuisse testatur historiarū monumenta, ma-
ximèq; qui talia collegere Frontinus, & Polyænus,
vt valentiores quiq; è militibus, ex occasione, vel in
fœminilem habitum cōponerentur, quod fecit So-
lon aduersus Megarenses, vel etiam in hostilem, qđ
Darius aduersus Sacas, Cimon aduersus Persas, Ca-
to aduersus Pœnos, alijq; aduersus alios fecere. *¶* At
quod ad terrorem inferendum, vt res est minus for-
tasse cognita, pluribus videtur exemplis confirmari
da. Horrendum præbuisse spectaculum, super om-
nia Laruarum terribilissima, credendi sunt Gelo-
ni (è Scythis ij fuere) de quibus Claudianus aduersus
Rufinum primo.

Membraq; qui ferro gaudet pinxisse Gelonus.

Ex quo *Pictorum* Epitheton nacti sunt apud Virgi-
lium ij. Georgicorum. Hi prodeuntes in prælium;
quod Pomponius Mela docet libro ij. cap. j. attesta-
turq; Solinus capite xxv. *Hostium cutibus equos, seq;*
velabant, illos reliqui corporis, se capitum, quod & quo-

G 2

tidia-

ridiano vestitu Antropophagi fecere; *Cutibus cum capillo* (verba sunt Plinij libro vij. cap. ij.) *pro mantelibus ante pectora viuentes.* De Aethiopibus habet Alexander Genialium i. cap. xv. eos dimidiatum corpus minio, dimidiatum gypso illinire solitos, quod & Phocenses aliquando fecisse, tradit Herodotus Vrania, Telleam quendam Eleum vaticinum narras, sexcentos viros è Phocensibus præstantissimos, gypso tam ipsos, quàm arma obleuisse, eosq; sub noctem Thessalijs immisisse, quos Thessalorum primo excubitores, prodigium quoddam arbitrati, mox exercitus ipse adeo exhorruit, vt ad amplissimam victoriam locum Phocensibus dederit. Arij Germaniæ populi (vt est apud Tacitum in Germania) *Insita feritati inunctis corporibus arte lenocinabantur, ipsaq; formidine, atq; umbra feralis exercitus, terrorem inferebant, nullo hostium sustinente nouum, ac velut infernum aspectum.* Quamobrem non penitus laude caret, quod hisce commentis tot, tantæq; nationes terribilem aspectum in militarijs congressibus affectauerint. Nam, qd subiicit idem Tacitus, *Primi in omnibus prælijs oculi vincuntur.* Hunni etiam præliaturi, si Bonfinio fides Historiæ Hungaricæ lib. secundo. *Hirsutis se pelibus induebant, barbisq; demissis, & intonsis crinibus, villorum instar feroces tantum terroris toruis obtutibus adijciebant, vt solo aspectu, ne dum congressu hostes abstererent.* Sed omnium maximè, quod sciam, Britan-
nis

nis celebris hæc cōsuetudo fuit, *ut glasto se inficerent*,
 quod cæruleum efficit colorem, atq; hoc horribiliori essent
 in pugna aspectu; quod de ijs testatur Cæsar belli Gal-
 lici lib. v. apud quem, non satis mirari possum, quā-
 uis aliam lectionem, nec sine veterum librorum au-
 ctoritate, inualuisse potius, quam glasti vocē; quam
 genuinam esse lectionem, vel ex eo certum est, quod
 Plinium habemus lib. xxi. cap. j. talem appositē gla-
 sto proprietatem asserentem. Ex hac corporum tin-
 ctura factum est, ut apud diuersos auctores, diuersa
 nomina sortiti sint Britanni: Eos etenim Propertius
Infectos appellat, Martialisq; alibi *cæruleos*, alibi *pi-
 ctos*. Nisi epitheton hoc ad id referre malimus, quod
 de ijsdem tradit Solinus cap. xxxv. *Britannis per arti-
 fices plagarum figuras*, iam inde à pueris, *variae anima-
 lium effigies incorporantur*, *in scriptisq; visceribus*, homi-
 nis incremento pigmenti nota crescunt: Hoc idem confir-
 mat Herodianus lib. iij. ad Seueri vsq; tempora ser-
 uatum fuisse; ex quo fortasse fuit, quod gens ex illis
Pictorum nomine, non patrio, & veteri, sed è re na-
 to à Romanis sit appellata, quod coniiciendum re-
 liquit Claudianus eo versu in iij Honorij Cōsulatu;

Ille leues Mauros, nec falso nomine Pictos,
Edomuit, Qui, & in bello Getico dixerit,
Venit & extremis legio prætentæ Britannis,
Quæ Scoto dat frena truci, ferroq; notatas
Perlegit ex animes, Picto moriente, figuras

Stig.

Stigmata Britonum Tertullianus nominat libro de velandis virginibus, & *Pigmata* Isidorus originum lib. xix. cap. xiiij. Seruiusq; ad illud jv. Aeneidos.

Curetes, Dryopesq; fremunt, pictiq; Agathyrsi. *Picti* autem (dicit) non *stigmata* habentes, ut gens in Britannia, sed pulchri, hoc est cyanea coma placentes. Quem tamen, quod pertinet ad Agathyrsos, Solinus capite xxiij. cum eoq; Mela lib. ij. cap. j. mendacij arguunt, disertè exprimentes; *Ora, artusq; pingere solitos Agathyrsos, & sic, ut ablui nequirent, & quanto quis altero prestaret, tanto propensiore se nota tinxisse, ut esset indicium humilitatis minus pingi.* Simile quiddam de Getis Claudianus indicat de bello Getico.

Crinigeri sedere Patres, pellita Getarum

Curia, quos plagis decorat numerosa cicatrix.

Quod & de multis orę Aphricanę populis, & de Floridentibus in America narrant, quic eas regiones perlustrarunt. Et, ut ad Britannos redeam, notatu dignum illud est, quod ad rem facit, fœminas eorum scilicet, virorum ferociam imitatas habitu terribili sumpto, aliquando in aciem prodijisse. Testem dabo Tacitum Annalium xjv. *Stabat pro litore* (de Mona insula loquitur, quò se perfugæ receperant, incolisq; sociauerant) *Diuersa acies, densa armis, virisq; intercurrentibus fœminis, in modum furiarum, veste ferali, crinibus deiectis, faces præferebant.* Cuius aspectus nouitate, milites adeo perculsos affirmat, ut, quasi hæren-

hærentibus membris, immobile corpus vulneribus præberent. Huc congruenter caderet, quod Longobardicæ mulieres fecisse dicuntur, capillis in modum barbæ compositis, quo numerosioris exercitus speciem præberent, unde illi genti nomen; ni, qui eius Historiam cōscripsit Paulus Diaconus fabulā hanc, ceu anile commentum, exploderet. Quod verò liquido demonstret, hoc veluti stratagema non popu-
lorum solummodo prioribus sæculis agrestium, sed, & mitiorum, prudentiorumq; fuisse; visuntur hodieq; in celebrioribus potentiorum Dynastarum armamentarijs peruetustæ cassides, Personarum instar, & ad humani vultus, & ad brutorum similitudinem fabricatæ. Tales prorsus à Germanis adhibitas, auctor est Plutarchus in Mario, quæadmodum Celtas Diodorus ait lib. vj. in ijs, vel naturalia cornua apposuisse, vel auium, & quadrupedium effigies expressisse; Nec diuersum valde Parthorū ritum affert Suda Lipsius Dialog. v. libri iij. de Militia Romana, qui non ferarū imagines, sed capita ipsa galeis adaptabant, earum rictibus ad augendum horrore vtentes: fuitq; id etiam Romanis ipsis familiare, vt non solum signiferi omnes (quod Vegetius habet cap. xvj. lib. ij.) galeas haberent *ad terrorem hostium Vrsinis*, vel vt alij legunt *hirsutis pellibus tectas*, sed & milites vniuersi, Polybio teste, Lupi pellem, aut eiusmodi aliquid ipsis imponerent. Vnde est, quod

quod galeæ nomen non à galero, sed à felina pelle, licet non satis apposite deducendum Iosephus Scaliger arbitretur in suis ad Varronē coniectaneis, quasi ἀπὸ τῆς γαλῆς tantūmodo, nec aliundē, nomen sumpsisse debuerit, quod ex cuiuslibet animalis exuvijs conficiebatur. Quæ dicta sufficiant, si corollarij loco tantum adiciamus, quæ libro iv. cap. xij Itinerum Orientalium refert Nicolaius; quosdam esse apud Turcas armaturæ leuis equites, sine stipendio militantes, quos Dellyos vocant, quasi eo idiōmate stultē audaces, tum, quia insignis eorum sit præcæteris, in prælijs conferendis audacia, tum quia deformi habitu, non tam conspicuos se, quam ridiculos præbeant, cum villosis Vrsorum pellibus totum corpus induti, caput Leopardi exuvijs contexti, singularis ornamenti loco in ipso frontis medio immensam Aquilæ caudā gestantes, eiusdemq; alis palmæ defixis exēplar verissimū effingāt larualis simulacri.

PRomiscua quedam de Personarum usu: Puta in luctu ut Lycij. In Caesarum ἀποδέωσι, & Virorum illustrium funeribus. In nocturnis Bacchationibus. Alexandria in thure interpolando. Polluci lux de mulierum Personulis. Idem correctus. Chinerisum sceminarum Personæ. σχηματισμός luxus, & libidinis causa, tum virorum, tum etiam populorum; quod improbatum ex veteri le-

ri lege Deuteronomij. Seneca loci duo ex collatione
illustrati. *Mulieres sexum mentita.*

Caput VI.



ON tantum in ijs, quæ supra recensui-
mus, Personas, habitusq; fictitios susci-
pere è veteri more fuisse sciendū est; sed,
& in multis alijs, quæ vnico hoc capite
promiscuè visum est superioribus adtexere. Cōsue-
uere Lycij, vt ex Valerio Maximo cōperimus libro
ij. capite vj. cui, & fauet Plutarchus *ἐν παραμυθίαι-
κῶ πρὸς Ἀπολλώνιον*, quotiescunq; ijs luctus incideret, ve-
stem muliebrem induere, vt deformitate cultus commoti
maturius stultum proijcere mærorem vellent. Quod pru-
denti consilio cauit, qui legem illis præscripsit, lu-
ctum significans rem esse muliebrem, & à virili di-
gnitate remotam, proinde celeriter excutiendam.
Quin, & cum Romanorum Principum, seu effer-
retur funus, seu consecratio perageretur Personas
fuisse visas, testis est locupletissimus Herodianus, li-
bro jv. cui vel soli nefas sit fidem derogare, ni testes
etiam alij duo accederent *ἐκ τῶν διὸς δέλτων* Diony-
sius Halicarnasseus, & Suetonius, quorū ille certio-
res nos reddit lib. vij. priscis etiam temporibus Sa-
tyricos saltatores in Illustrium virorum funebribus pom-
pis fereitrum præcessisse: Hic autem in Vespasiano, ta-

H

lem

lem consuetudinem funeribus Cæsarum nomina-
tim adscribit, in ipsius Vespasiani funere inquiring,
Fauonem Archiminum, Personam eius ferentem, ut
moris erat, facta, ac dicta viui imitatum fuisse. Por-
ro hæc sunt Herodiani verba. *Currus item decenti or-
dine circumaguntur (circa fœgum nempe, in quo Prin-
cipis iacebat cædaver) in fœssi purpuratis rectoribus, qui
Personas ferant, imagines habentes omnium Romanorum,
qui gloriose exercitus duxerunt, vel regnarunt; quæ, ubi
celebrata sunt, faciem caput imperij successor, &c.* Fuit præ-
ter hæc antiquitus peruersis adolescentibus in more
positum; Laruis susceptis, vrbes noctu peruagari,
commentitioq; schemate obuios quoscunq; ludifi-
cari, qui fortè mos etiam num vigeret, ni procaci-
tas huiusmodi rectorum seueritate coerceretur; Quam
veteres tamen haud impunitam relinquerunt, pecu-
liari constituto Magistratu, qui nocturnos errone-
s castigaret, quod ex ijs Sossæ serui verbis apud Plau-
tium Amphitruone colligitur, ubi is, multa iam no-
cte præfœtoribus obambulans, inquit. *Quid faciam nunc, si tres viri me in carcerem compegerint?
Inde quasi è promptuariæ cella depromar ad flagrum.*
Exemplum ijs, quæ diximus suppeditat Aelianus πoι-
xίλων jx. cap. xxix. in hæc verba. *Socrates aliquando,
concubia nocte, reuertebatur à cæna; Adolescentes igitur
scelerosi, & nequam cum eum redire cognouissent, clam in
insidijs expectarunt, cum accensis facibus, & furiarum*
Perso;

ficinas, subligaria signantur opifici, Persona adijcitur capiti, densusue reticulus, nudi emittuntur. Ut scilicet omnem aditum ad aliquid surripiendū opifex sibi præclusum videret. Cum verò reticulum illum velint nonnulli, inter quos Langlæus, accipi debere pro fascia quadam linea, vel lanea, ad similitudinem retis facta, quam faciei quis admoveat, ne agnoscatur, in hunc sensum verba illa Ciceronis detorquentes, quæ Actione vj. in Verris mollitiem profert; *Reticulumq; ad nares sibi admovebat tenuissimo lino, minutisq; maculis plenum rosa.* Consideratio inde subijt (quamvis delicatos homines ad fætores potius declinandos, quam ad faciem tegendam, talia crediderim adhibuisse) non recens inuentum fuisse, quod plerasque matronas, & præcipuè Gallicas factitare videmus, ut nempè, ad Solis æstus, & ventorum rigorem, siue etiam ad pulueris molestiam depellendam, tenui aliqua Personula sibi vultum operiant. Idq; eo audentius asseruerim, quod à Polluce lib. x. cap. xxxix: in vasculorum ordine connumerari videam προσωπίον, μορμολύκειον, γοργειον, & ex Platone in Sophistis, linream faciem; ὁθόνιον enim prorsus πρόσωπον vel ut Hæschelio placet ὁθόνιον, non ut impressi habent ὠθόνιον legendum. In cuius vocabuli explanatione haud mirum est, eruditissimum Bullengerum, ansam se frustra fatigandi reperisse, à mendaci scriptura ὠ pro ὁ deceptum, quæ cuius etiam facillimè impositum.

imposuisset. Et, quod ad rem pertinet expressius supra cap. xxix. inter instrumenta Gynecæi προσωπίς, & ex Aristophanis Danaïdibus προσωπίδιον, hoc est Personula ab eodem Polluce reponuntur. Eandem cōsuetudinem retinere nobiles in China mulieres, elegantissima illinc aduecta peripetasmata demonstrant, in quibus tum variæ nitent animalium picturæ, tum præcipuè mulierū imagines, quæ Personæ lectica vehuntur. Immane autem ad quantam longitudinem oratio excresceret, si de ijs etiam minutatim differere liberet, quos & luxus, & perditæ etiam libidinis gratia, vel muliebri, vel alio cuiusvis generis ficto indumento amiciri solitos reperimus. Non deficiunt tamen exempla, si hominum singularium quæras Nyniæ, Sardanapali, Caligulæ, Neronis, Cōmodi, Elagabali, cæterorumq; huiusmodi, quos naturæ piaculis iustius, quam hominibus adnumerare; quibus adiungas licet Polystratum illum Atheniensem, Theophrasti discipulum, quem refert Athenæus lib. xij. tam molli, effœminatoq; fuisse animo, ut, quod Herculem olim Omphale ancillantem fecisse dicunt, tibicinarum vestes induere sustineret. Si verò Vrbiū etiam, & populorū, Sybaritarū, Massiliensiumq; vnde ortū in molles, & pathieos proverbium, πλῆσταίς ἐς μαλαλίαν; nauiges Massiliam, nec non Cum inorum, quorū pueros Aristodemus Tyrannus in feminarū modū comptos incedere coegit.

Et,

Et, præter hos, Indorum quorundam noui orbis ac-
 colarum, eorumq; præsertim, qui circa Portum Ve-
 terem, & Punam insulam habitant; quos fama est,
 à Scriptoribus confirmata, in templis Idolorum suo-
 rum Catamitos aluisse muliebri habitu ornatos, vo-
 cem, incessumq; fœminarum æmulantes; Quæ om-
 nia lectori cupido abundè suppeditabunt Diodo-
 rus Siculus, Athenæus, Suetonius, Lampridius, He-
 rodianus, Xiphilinus, alijq; Historiarum Scripto-
 res quamplurimi: Cæterum ad huius nequitie dete-
 ctationem pertinere haud dubito (non enim nefas,
 cum res polcat his, licet ludicris, sacra quædam ad-
 miscere) quod in veteri testamento Deuteronomij
 cap. xxiij. peculiari præcepto cauerit Deus, *Ne in-
 duatur mulier veste virili, neue utatur vir veste fœmi-
 nea, abominabilis enim est apud Deum, qui facit hæc: Ut*
 qui abusu intolerabili Naturæ ordinem peruertat,
 seq; omni potius vel grauissimo supplicio, quam ho-
 minum consortio dignum reddat; legibus vniuersis
 in tantum scelus insurgentibus, nec ijs tantum legi-
 bus, quæ Diuino, humanæque consilio promulgatæ
 conspiciuntur, sed & ijs, quas receptis moribus, sine
 scripto Natura ipsa stabilivit; quarum exempla hæc
 imprimis sibi assignanda Plato existimauit, ut ne quis
 nudus in publicum progrediretur, neu muliebri ute-
 retur indumento. Non malè igitur, licet non satis
 pro necessitate dixisse Seneca videtur Epistola cxxij

Contra

Contra Naturam vivere, qui commutant eum feminis. Trastem. Quem locum non alio spectare euincunt hæc, quæ proximè sequuntur verba. *Non viuunt contra Naturam, qui expectant* (Lipsius *expetunt*, ingeniosè nimis in Scriptore circa verborum delectum penitus incurioso) *ut pueritia splendeat tempore alieno?* Non enim hæc ita distinguuntur à superioribus, ut sensum ex alterutris diuersum elicere debeamus: En Seneca ipse Epistola xlvij. quo perspicue magis liqueat sententia, ex alterius loci comparatione; *Alius* (inquit) *vini minister in muliebre modum ornatus cum ætate luctatur, effugit pueritia, sed retrahitur.* Pocillatores eximia forma, quasi Ganymedes aliquos, laxioribus diuitibus in usu fuisse, passim ex veterum lectione colligitur, eos autem ad secretiora ministeria (quod nostræ tractationi, & rei controuersæ pariter inferuit) & ad eorum similitudinem alios, pari mollitie infames, Naturam simul, & vestem, habitumq; corporis (ut Clitthenes ille, de quo in prouerbijs ex Aristophane) cum mulieribus commutare solitos utrobique Seneca significat. Nec Lipsium in præsens moror, aut Petrum Fabrum, viros alioqui merito suspiciendos, quibus aliter visum. Voluit hic Semeistrum i. cap. xv. de mollitie, & luxu eorum hæc intelligi; qui in cœnis apposita veste utebantur, muliebris per simili, qualis illa esset muliebris cœnatoria, qua Senatorem quendam uti solitum ait Q Mutius apud Pomponium, l. inter vestem ff. de auro,

auro, & argento leg. vel, qua indutus legitur Cornē-
lius Frōto apud Xiphilinum in Adriano, acutē enim,
v̄t pleraq; perspexit vir eruditissimus τὴν σολῶν διπνί-
τιδα, non vestem cœnatoriam, sed muliebrem cœ-
natoriam verti debere, cum, ex communiori loquen-
di forma, stola sit proprium fœminarum induimentū.
Lipsius autem ad iiij. Annalium Taciti de sericis, Co-
isq; interpretatur, quæ etiam pellucidæ vestes, quas li-
cet ob tenuem materiam, versicoloremq; texturā fœ-
minis magis accōmodatas, viri tamen, ad æstus deui-
tandos, passim vsurparent; Quasi eadem mēns Se-
necæ fuisset, quæ Iuuenali, cum Satyra ij. ijs versibus
in Creticum inueheretur.

Sed quid

Non facient alij, cum tu multitia sumas

Cretice, & hanc vestem populo mirante perores

In Proculas. &c.

& postea

Quæro an deceant multitia vestem,

Acer, & indomitus, libertatisq; magister

Cretice pelluces.

Et ne quid prætermissum videatur (prætereamus ta-
men monstruosum illud, seu fabulosum magis Cres-
sæ mulieris commentum,

Quæ toruum ligno decepit adultera taurum)

Haud frustra esset, nonnulla hic mulierum exem-
pla connumerare, quæ virili habitu sumpto, ex qua-
libet causa, sexum mentitæ reperiuntur; quēmad-
modum

modū Hypsicrateam fecisse, auctor est Plutarchus, ut cum viro Mithridate commodius esset; vel Semiramim, ad auctoritatem sibi apud Assyrios stabilendam, quod libro primo narrat Iustinus, & in Eutropium confirmat Claudianus.

Prima Semiramis assyria

Assyrijs mentita virum.

Vel, honestiori ex causa, Axiotheam Phliasiam, quam refert Laertius, sapientiae amore succensam virilem cultum assumpsisse, ut operam ipsi commodius, sub Platonis disciplina nauare posset: Veluti muliebrem è diuerso Euclides Megarensis solitus erat assumere, quo tutius ad Socratem audiendum Athenas commearet, vnde lege seuerissima Megarenses omnes prohibebantur: Ad cuius imitationem Taurus Philosophus apud Gellium lib. vj. cap. x. sciendi cupidos expergefacerè à socordia conabatur. Sed, his relictis, ad alia trāsire conducibilius videtur, quæ proprie magis argumento suscepto conueniant.

Quanam pro Personis antiquitas in usu replicatum, additis nonnullis. Antiquitatis vitium. Luna γοργόρεον ab Orpheo, unde coniectura de Personarum antiquitate. Mutatio vestium ab Hercule. Ab Agricola vultus tinctura è Tibullo. Scenicarum primordia. Item lignæ Personæ. Pausania locus insignis de vultus tinctura à Diana.

Caput VII.



O examine, quod in superioribus de Personis, earumq; vſu proſecuti ſumus, ſatis apertè declaratum, mea quidem ſententia, Perſonæ nomen ad indumenti non minùs mutationem, quam ad oris cooperimētum pertinere. Declaratum præterea, prout ſe dedit occaſio, anteeas, quas nunc videmus Perſonas inuentas, earum vicem ſuppleuiſſe, vel miniſ, & cuiuſcunq; coloris, quin & fecium tincturam, vel ſiculnea folia, quæ *θρία* vocarentur, vel alterius cuiuſpiam herbæ, vel fruticis, qualem typum in *φαλλοφόροις* ſupra præbuiſimus. Meminit in hanc ſententiam Dioſcorides herbæ cuiuſdam *ἀρκέιου* appellatæ, quæ à nonnullis *προσωπίς*, & *προσώπιον* dicatur, quaſi latine Perſonacia, eo quod hac herba veteres pro Perſona vti ſolerent, quoniam latis folijs inſtar cucurbitæ ſit prædita; commemorat eandem & Plinius lib. xx j. cap. xv. & Perſonam herbam paſtinacę ſimilem, quæ folijs latis faciem tegat, nominat Columella lib. vij. cap. xix. Et hæc quidem, prout dixi ſatis dilucidè; fecium verò inunctionem pro Perſona iam olim vſitatam, præter ſuperius allata confirmat ad Arillotphanis *ροέλας* eius ſcholiaſtes, Poetas dicens, *Ne non eſſent fecibus unctos, Poemata*

mata per rivos cantasse plaustris insidentes; ex quo Si-
donius, in temporis ratione non nihil hallucinatus.
Pictum fecibus Aeschylum dixit, cuius iam ætate de-
centiores aliæ Personæ viderentur: licet tali vultus
inctura contentus Aristophanes post Aeschylum,
quasi Personatus in Scenam prodierit, Cleonis per-
sonam acturus. Vnde verò Personarum vsus ortum
habuerit, siue is vultum inficere, aliove quouis tegu-
mento cooperire, seu vestes mutare dicendus sit, a-
deo incertum est, vt pro eruenda huiusce rei quali-
cunq; notitia ad fabulas potius, quam ad Historias
sit recurrendum. Id secum vitij ferre plerunq; so-
let antiquitas, vt vel origines rerū penitus obliuio-
ni tradat, vel fabulis inuoluat, vt eam non immeri-
to obscuram appellet vnanimis eruditorum consen-
sus. Cum verò certo certius sit, non Thespim, neq;
Chærilum, de quibus ex Suda superius, primos ex
omnibus talem consuetudinē vsurpasse; videat, ob-
secro, Lector (ipsius enim iudicio prorsus acquies-
co) an Personarū vsum, & Thespim, & Chærilum,
& quemuis fortè alium dramaticum Poetam, mul-
tis ætatibus præcessisse, hoc argumento comprobari
possit, quod de ijs Orpheus, tanto illis omnibus an-
tiquior, mentionem fecisse videatur. Locus est Cle-
mentis Alexandrini Stromatum lib.v. quo refert E-
pigenem libro quodam de Poesi Orphei, Ea, quæ a-
pud Orpheum sunt eius propria exponentiem dicere, ab ip-

1
2
10 Or.

so Orpheo Lunam vocari γοργόνειον; Quod licet epitheton ex eo natum videatur, quod ea, quæ in Luna est facies Gorgonis aspectū quodammodo præferebat, non absurdè tamen eo torqueri posset, ut Laruā ipsam, & quasi Personatam diceremus, cum γοργεία idem esse, quod γοργόνεια supra demonstrauerimus, pro iisdemq; etiam προσωπία usurpari: Eoq; magis, quod Hesychio γοργεία dicuntur προσωπία, idest Laruæ, in quibus effectum sit Gorgonis caput. At vestium mutationem non aliundè, quam ab Hercule fluxisse crediderim, in hanc sententiam adductum ex ijs, quæ supra retulimus cap. ii. è Plutarcho, occasionem Cois dedisse, in eius sacris muliebre indumentum suscipiendi, tum, quod eundem ipsum narret Ouidius, alias cum Lyda puella in sacris Bacchi vestem mutasse, ut Faunū ludificaretur, qui puellæ illius amore deperibat. Eius hi sunt versus, Faustorum ij.

Forte comes Domina iuuenis Tirynthius ibat,

Vidit ab excelsa Faunus utrunq; iugo:

Vidit, & incaluit, montanaq; numina dixit,

Nil mihi vobiscum est, hic meus ardor erit.

Ibat, odoratis humeros perfusa capillis,

Mæonis, aurato conspicienda sinu:

Aurea pellebant tepidos umbracula soles,

Quæ tamen Herculeæ sustinuerunt manus.

Iam Bacchi nemus, & Tmoli vineta tenebat

Hesper

Hesperus, & fusco roscidus ibat equo.
Antra subit, tophis laqueata, & pumice viuo,
Garrulus in primo limine riuus erat:
Dumq; parant epulas, potandaq; vina ministri,
Cultibus Alcidem instruit illa suis.
Dat tenues tunicas, Gætulo murice tinctas,
Dat teretem Zonam, qua modo cincta fuit.
Ventre minor Zona est, tunicarum vincla relaxat,
Ut posset magnas exeruisse manus:
Fregerat armillas, non illa ad brachia factas,
Scindebant magni vincula parua pedes.
Ipsa capit clauamq; grauem, spoliūq; Leonis,
Conditāq; in pharetra tela minora sua.

Quos versus referens Lazius cōmentariorum lib. x.
 cap. jx. meras nugas nugatur, cum ex hoc talem ad
 Saturnalia consuetudinem traductam affirmat, de
 Lupercalibus enim expresse, nō de Saturnalibus O-
 uidium loqui perspiciet, qui cætera apud ipsum per-
 uestigabit. Primos autem omnium, agricolas vultum
 tinctura fœdasse, auctor est Tibullus Elegia j. lib. ij.

Agricola & minio suffusus Bacche rubenti

Primus inexperta duxit ab arte choros.

Atq; hinc est, quod supra retulimus, Theatralia è Li-
 beralibus orta fuisse; cuius rei euidentis erat argumē-
 tum, quod nō solum scenici ludi Libero essent attri-
 buti, vt Lactantius docet lib. iiij. Institutionum ca-
 pite xx. sed & promiscue ludi Liberalia vocarentur,

qua

qua in re, Tertullianus ait, libro de spectaculis, *Honorē Liberi Patris manifestè sonabant, Libero enim à rusticis primo fiebant ob beneficium, quod ei adscribunt pro demonstrata gratia vini.* Nihilq; minus mos ille retentus, de quo Scholiastes Aristophanis, vt in Dionysijs certarent Tragedi, & veteris Comediæ Poetæ, præter testimonium ab Horatio præbitum & in Poëtica, & in Epistola primi libri ij. ad Augustum, cui quasi suffragatur Athenæus lib. ij. scenicorum inquiens initium ex computatione, & temulentia fuisse in Icario Atticæ pago τῆς τρυγῆς, hoc est vindemiæ tempore. Non sum verò nescius, ex aliorum opinione, quā Eusebius adstruit ij. de præparatione cap. ij. Theatri spectacula à Liberalib. ex eo fluxisse credita, quod saltantes Satyri, tragiceq; canētes, Bacchum secuti dicerentur, vt aliquibus eum iocularibus oblectarēt, cum recens editus ad speluncam Nyfes (à qua Dionysij nomen) inter Phæniciam, & Nilum, Mercurij opera, traiceretur, à Nymphis educandus. Sed, ne præter orbitam diutius; huiusmodi tincturæ occasio ex eo sumpta videtur, quod, dum Baccho sacrum fieret inter vina defecanda, libido nonnullos præ latitia incesserit, ijs fecibus ora inungendi, quod reliquorum fortè consensu comprobatum, receptumq; (vt res inuentas facile est noua accessione facta perpolire) aditum ad alia signēta comminiscenda præmonstrauerit. Confirmat hoc

hoc quoquo modo Tzetzes Chiliade vj. quem citat etiam Bullengerus. Primos etiam agricolas Personarum speciem quandam excogitasse, conijcitur ex ijs, quæ Seruius annotat ad illud Virgilij.

Oraq; corticibus sumunt horrenda cauatis.

In sacris scilicet Bacchi referens, eos quasdam sibi arborum cortices, ceu Personas adaptare solitos: Vnde Helychius sunt προσωπεῖα ξύλινα Personæ lignæ; quæ respexit etiam Prudentius libro ij. in Symmachum dicens.

Vt tragicus cantor ligno tegit ora cauato.

At insignis extat narratio apud Pausaniam in posterioribus Eliacis, qua tincturæ, operimentoue faciei vetustiore, illustrioremq; originem asseramus. Apud Letrinos (ait ille) Alpheia Diana fuerunt cum simulachro ades, Dea ob hanc causam cognomen impositum memorant; Alpheum amore captum Dianæ, postea quam ad nuptias eius conciliandas, nihil se, aut gratia, aut precibus profecturum intellexit, vim ei asferre conatum. Verum, cum illa, fugiēs insequentem amatorem Letrinos usq; ad nocturnos choros pertraxisset (interesse enim Nympharum lusiis consueuerat) ibi Deam sibi, suisq; comitibus ceno os obleuisse, quare, cum Alpheus à Nymphis Dianam discernere nequisset elusum abiisse. Atq; hæc de Personarum, σχηματισμῶνq; origine, quantum quidem ex intimis vetustatis recessibus, extrahi potuit.

Perso-

Personarum duplex causa, Prima ad fictam imitationem, cui rei testimonia. Horatij locus explicatus. Prouerbum ἡ πρόσωπον, ἀλλὰ προσωπεῖον φέρειν, in fucatas mulieres. In mores fictos, de quibus moralis digressiuncula. Res Personata. Perpensus Arriani locus in Epicteto. Persona pro prae-textu. Causa Personarum secunda, ob uerecundiam, testimonijs confirmata. Alia Prouerbij explicatio.

Caput VIII.

PORRÒ, duplicem ob causam, talem usum adinuentum quauis luce clarius apparet; primum quidem, ad effingendam, repræsentandamq; in scenis faciem ex occasione diuersam, & ad uerius imitandam Personam, quam quisq; agendam suscepisset. Cicero pro Roscio in hanc sententiã: Cuius (scilicet eius, quem supra tetigerat. C. Fannij Chæreæ) Personam præclare Roscius in scena tractare consuevit; & paulo post; Nam Ballionem illum improbißimum, & periurißimum Lenonem cum agit, agit Chæream; Persona illa lutulenta, impura, inuisa in huius moribus, natura, uitaq; est expressa, qui quamobrem Roscium sui similem in malitia, & fraude existimarit, nihil uidetur, nisi fortè, quod præclare

Syntagmation.

73

clare hunc imitari se in Persona Lenonis animaduertit. Et Horatius sermone v. libri v. de eo, qui facie deformis esset.

In faciem permulta iocatus,

Pastorem saltaret vti Cyclopa rogabat,

Nil illi Larua, aut tragicis opus esse cothurnis.

Necessitatem in alijs Personarum tacite arguens ex eo, quod in tali essent superuacaneæ, qui vel sine Larua, & Persona Cyclopi imaginem referret. Et Ouidius factorum vj. dum originem, causamq; Personarum in minusculis Quinquatribus prosequitur.

Callidus, ut posset specie, numeroq; Senatum

Fallere, Personis imperat ora tegi.

Admissetq; alios; & ut hunc tibicina cætum

Augeat, in longis Vestibus esse iubet;

Sic reduces bene posse tegi &c.

Atq; hinc dictum arbitror, Personatum esse eum, qui faciem haberet fucata, iuxta prouerbium, de quo Pollux lib. v. ca. xvj. ἔ πρόσωπον, ἀλλὰ προσωπεῖον φέρει, non faciem, sed Laruam gestat, scitè admodum concinnatum in fucata mulierem, quæ non aliud, quam Personata videatur, cum insitam deformitatem obuolare, vel superuenientes ætatis vitio rugas dissimulare differre connititur; vel (quod ait idem Pollux) oculos perstringit, supercilia denigrat, lineas semicirculares circumducit, frontem dimittitur, roseas genas fingit, momentaneum florem cito deflorescentem; Artem Naturæ ante-

K

ponit,

ponit, fucatum vero, firmo infirmum, & fragile, rebus ipsis picturam, imaginem pro ipso viuo simulacro. Quod vitium familiare admodum mulieres habent quam plurimæ, ab insita, vesania præpeditæ, vt Clemens Alexandrinus inquit lib. iij. Pædagogi cap. ij. quominus intelligant, se propriam pulchritudinem infelicitè amittere, dum externam affectant, neque quam sit absurdum, cætera quidem animantia, non ratione tantum, sed & sensu carentia, naturalibus ornamentis satis contenta exultare, mulierem vero, proinde, ac bestiis inferior esset, & plantis, se esse adeo deformem existimare, vt externa, & aliunde quæ sita pulchritudine indigeat. Cum alioquin, sicut inultæ notæ fugitiuum, ita colores (vt ita dicam) adscititij adulteram indicent, vnde non facile sit à vero recessurus, qui meretrices eas vocauerit, quæ ἐκ προσώπων sibi προσωπεῖα faciūt. Sic apud Petronium Chrysis ancilla, Quo spectant flexæ pectine comæ, quo facies medicamine attrita, &c. nisi, quod formam prostitiutis, vt vendas. Hac de re lepidum extat Lucilij Epigramma Anthologiæ ij. cap. jx. quod Græcum apponam, quia leporem ipsius in antithesi præsertim inter nomina πρόσωποι, & προσωπεῖον exilientem, latino sermone assequi vix possibile censeam.

Τὴν κεφαλὴν βάπτεις, γῆρας δὲ σὸν οὐ ποτε βάψεις,

οὐδὲ παρειῶν ρυτίδας ἐκ ταύσεις;

Μὴ γοῖ νῦν τὸ πρόσωπον, ἅπαν ψιμύθῳ κατὰ πλατῆ

ὅς

Syntagmation.

73

ὥς προσώπειον, καὶ ἔχει πρόσωπον ἔχειν,
οὐ δὲ γὰρ πλέον ἔστι, τί μαίνας, ἔποτε φύκος,
καὶ ψίμυθος τίς τὴν τῶν ἑκάβου ἑλένῳ.

Ac, si Latine diceres.

Sæpe caput tingis, nunquam tinctura senectam;

Nunquam rugosas explicitur a genas.

Desine iam faciem stibio depingere totam;

Persona est etenim tunc tibi, non facies.

Nil habes hinc lucri, quæ est hæc dementia? fucus,

Et color haud Hecubam fecerit unquam Helenam.

In quam sententiam Martialis etiam in eum, qui capillorum pigmento posse se capitis senium, quasi serpens, exuere arbitrabatur. epigram. xliij. libri iij.

Mentiris iuuenem, tinctis Lentine capillis,

Tam subito Coruus, qui modo Cycnus eras;

Non omnes fallis, scit te Proserpina canum,

Personam capiti detrahet illa tuo.

Iure optimo muliebre in viro dementia irridet, cum fieri omnino nequeat, ut veram ostendat animam, qui caput habet adulterinum, quæ Clementis supracitati sententia est; utque noctu mulier non concuincatur, qui clara luce sub radijs solis formam virilem abnegat. Quocirca Spartanorum Rex Archidamus senis cuiusdam Cei taliter infecti congressum, iure sibi visus est abnuisse, quod nihil veri putaverit expectandum ab eo, quem propalam non puderet mendacium in capite circumferre. *Pers. nam habe-*

K

2

re, non

re, non faciem, dicuntur ij etiam, qui alij videri velint, quam re, vera sint, diuersosq; à proprijs effingāt mores, vt ex Publano Mimo.

Hæredis fletus, sub Persona, risus est.

Quales illi apud Lucianum in Piscatore, qui, Simiæ cum essent, Heroum Personas assumere non dubitarent, ad instar Cuinani illius Asini, qui Leoninā indutus pelle, Leo ipse quoque videri volebat. Eodem prope sensu Seneca de Beneficijs lib. ij. *Quid tanto opere te supinat, quid vultum, habitumq; oris præuertit, vt malis habere Personam, quam faciem?* id est, vt malis te præferre qualis non es, quam videri qualis es. Et Cicero pro Cluentio. *Irridebatur hæc illius reconciliatio, & Persona boni viri suscepta.* Videmus autem plerunq; tales (non enim à proposito digredimur, licet ex occasione ad inores aliquid interseramus) quod Personas assumant sibi non accommodatas se ipsos, ipsūq; ornatum dehonestare, vt nil ininus se præstent ridiculos) res enim ridicula est ex Martialis Præfatione lib. ij. *rogam saltanti inducere Personæ* quam Mimus aliquis Tragicus, qui mollis cum sit, & effœminatus, Achillis, Herculisue Personam suscipere ausus, tam indecore illam qua voce, qua gestibusque sustineat, vt Helenam potius, aut Polyxenam agere videatur: Nam, & multa incidunt (ait Seneca de tranquillitate) que inuitos denudent, & vt bene cedat tanta sui diligentia, non tamen incunda vita, aut secura est

ra est semper sub Persona uiuentium: Quibus, maiori
saltem ex parte, quod Iupiter quaeritur apud Lucia-
num Icaromenippo, Si Personas, & stolam illam au-
ro sparsam detraxeris (virtutis scilicet decorem falso
affectatum) ridiculum est, quod superest, nempe homun-
culus septem denarijs ad agonem conductus: Bene ergo
Lucretius libro iij.

Quo magis in dubijs hominem spectare periculis

Conuenit, aduersisq; in rebus noscere quid sit,

Nam verae voces tum demum pectore ab imo

Eijciuntur, & eripitur Persona, manet res.

Vt non immerito hoc genus homines, maxime ve-
ro pseudophilosophos illos, qui elatis supercilijs, &
manibus barbam sustinentes, in reliquisque seuro
vultu stantes, ultra Xenocratis imagines (vt habet
Synesius epistola cliv.) omnium, quod sciam, argute
dicacissimus Lucianus sub hac praecipue Histrionu
metaphora insectandos suscepit, quod facit in Ni-
grino, Piscatore, & Icaromenippo, vnde ci, reili-
nis huiusce, materiam deprompsimus. Ad rem ve-
ro quod attinet, haud dissimili ratione, Personata
dicitur res quaecunq; quae re vera secus sit ab ea, quae
appareat. Seneca epistola xxix. Quod vides accidere
pueris, hoc nobis quoq; maiusculis pueris euenit; illi, quos
amant, quibus assueuerunt, cum quibus ludunt, si Persona-
tos videant expauescunt; Non hominibus tantum, sed &
rebus demenda Persona est, & reddenda facies sua. Dixe-
ras

rat autem alio loco, nempe de Ira lib. ij. cap. xj. *Ira per se deformis est, & timetur à pluribus, sicut deformis Persona ab infantibus*. Quasi dixerit, tunc non fore metuendam, cum deformi illa Persona, quæ terribilem ei quodammodo faciem superinducit exuta cōspiciatur. Dicitur ab eodem Seneca epistola lxxix. *Personata felicitas*, his apposite verbis; *Quos supra capita hominum, supraq; turbam delicatos lectica suspendit, omnium istorum Personata felicitas est, contemnes illos, si despoliaueris*: Si enim extrinsecus penitus aurei videntur (qua ratione apud Lucianum pauperes consolatur Saturnus) intrinsecus putres sunt, & pānosi, qualia sunt tragica indumēta pannis admodum vilibus super impolita. Quo facit Arriani locus ille in Epicteto lib. iij. cap. xxiij. *Magistratus, & honores, quid autem hæc ille curat?* (puta Philosophus) *quod, si ijs rebus aliquis eum terrere conetur, Pueros, inquit, querito, illis Personæ sunt formidabiles; ego vero testacea ista esse novi, intrinsecus vero nihil continere*, quibus ex verbis, cum in ea Bullengerus incidit, haud satis teneo, solerti ne magis, an solida coniectura προσωπεῖα sibi ὀσπάρια confinxerit, *Personas testaceas*: Efficiat enim Martialis, quem alibi citauimus, dum Bataui Personam describens, eam *figuli lusum* appellat, ut fictiles fortasse Personas apud veteres fuisse credamus; non tamen videtur hoc loco ὀσπάρια illa sic ad προσωπεῖα pertinere, ut Personarū quarundam materiem fuisse te-

se te-

se testaceam designēt, quin rem potius aliquam in-
 nem, & contemptibilem significare videantur. De
 tota re decident Græca ipsa verba, quæ mihi quidem
 (vt suum est cuique iudicium) non alium proferunt
 sensum. Ea sunt. *Εκείνοις τὰ προσωπεῖα φοβερά ἐσιν.* En
 punctum in primis, per quod sententia distinguitur.
εγὼ δ' οἶδα ὅτι ὁσπάρηνα ἐσιν, ἰσχυρὸν δὲ ἐδὲν ἔχει. Haud
 tamen crediderim, doctissimo viro rationes penitus
 deesse, quibus à se proditam opinionem tueatur, ne-
 que enim eam stabilire volenti, ὁσπάρηνα hæc, nihil
 intrinsecus continentia, à Larua illa Aesopica vide-
 buntur admodū dissimilia, quam vulpes in Histrio-
 nis domo pertractans, vt ingeniose fabricatam ad-
 miratur, &, vt cerebro carentem irridet. Non est ve-
 ro, qui nesciat, alicuius etiam, siue hominis, siue rei
 quoq; ministerio pro Persona vt dictum ex vulgari
 loquendi forma, quotiescunque, vel aliquem, quasi
 instrumentum adhibemus, aliud interim agentes,
 ad negotium aliquod conficiendū, vel quamuis rem,
 veluti prætextum obducimus intentioni nostræ ob-
 uelandæ. Sic Heliodorus libro ij. Aethiopicorum.
*Cum igitur initium molestiarum, & ærumnarum mihi di-
 uinitus impendentium, quas iam ante præsciueram, mulie-
 rem esse deprehendissem, & intellexissem, quod esset fatalis
 necessitatis inuolucrum, quodque is, cui tum fors obtigerat
 Demon illam sibi, tanquam Personam induisset &c.* Hæc
 quidem Ethnico sensu, licet à Scriptore Christiano,
 eoq;

eoq; ordinis sacrosancti, sic enim Personę proferentis mores requirebant, sed qui non longe recedat ab ijs, quibus Dei ipsius eloquium Iob capite xlj. Infernalis Behemot malitiam arguit, dicens; *Quis reuelabit faciem indumenti eius?* Ac si manifeste significaret, tot illum, tamq; diuersis insidiarum fallacijs, & prestigiarum technis consilia, quę per faciem intelliguntur, in hominum perniciem suscepta obumbrare solitū, vt nō minus difficile sit cuius ea deprehendere, quam ex primo intuitu hominem, non assuetum amictu vestitum, Personaq; velatum dignoscere. Ad inuentas item Personas (quę altera causa est) ad turpitudinem earum rerum occulendam, quę in rebus ludicris fiebant, docet Seruius ad illud, quod iam retulimus ex Virgilio, *Quia necesse erat pro ratione sacrorum aliqua ludicra, & turpia fieri, quibus populo posset risus moueri, qui ea exercebant, propter verecundię remedium hoc adhibuerunt, ne agnoscerentur.* Vt, & veteres comici, quod supra relatū ex Aristophanis scholiaste τῶν τρύγα χριόμενοι, ἵνα μὴ γινώσκουσιν γένεσθαι. Et ad illud Demosthenis, qui Epicratem notauerat, quod in festis accumberet sine Persona Vlpianus Rhetor annotat. *Impudentiam autem eius volens ostendere dixit sine Persona, nam in festis tunc volentes irridere aliquos gestabant Personas, vt non verecundarentur.* Vnde est, quod prouerbium illud, *Personam habere, non faciem,* in eos adaptauerit Adagiographus, qui, sine aliquo pudoris

pudoris retinaculo turpia quæuis palam, & aperte
 patrare non verentur, impudentia ipsa, quasi Perso-
 na quadam audaciores facti. In tibi cinibus illis, qui
 inuscularum Quinquatruum festo Personati ince-
 debant, affirmat Valerius Maximus libro ij. capite v.
Personarum vsum pudorem circumuente temulentie cau-
sam habere. Indigne quoque acceptum scimus è Xi-
 philino, & cum optimatium gemitu, quod Nero no-
 biles viros, qui, præ pudore Personati, spectaculis
 inseruiebant ipso cogente, Personas in scena depo-
 nere iusserit, Histrionum apparatu comptos eos pa-
 tesfaciens hominibus, apud quos ipsi paulo ante magistra-
 tum gesserant. Et de his quidem haud plura, paucis ijs,
 quæ dicenda suppetunt, ex multis, quæ fortasse su-
 per sunt, in sequens interim caput reiectis.

Personati Laruati, qui & furiosi. *Larua à La-*
ribus, & de Laribus illustrati Horatij versus.
Personarum insectatio; Maxime in mulieribus.
Vita nostra Personatorum Pompa. De Carnis pri-
uio varia, tamen indecisa.

Caput IX.



VM ex Personarum vſu licentiam ſumi
 dixerimus ea faciendi, quæ ſine Perſonis
 agere indecorum eſſet, recte factum vi-
 detur, quod Perſonæ dictæ ſint etiam
 L Laruæ,

Laruæ, & Personati, Laruati; Laruati autem Pompeio Festo dicuntur *furiosi*, & *mente moti*: Vnde Apuleius Apologia: *Hunc deniq; qui Laruam putat, ipse est laruatus*: Vt enim laruatus à Larua, sic Laruæ dicuntur à Laribus, quorum peculiare fuisse insaniam immittere innuit Horatius sermone iij. lib. iij. Postquam multis verbis auaros insecutus, eos furiosos, insanosq; esse demonstrasset, inquiens.

Non est periurus, neq; sordidus, immolet equis

Hic porcum laribus.

Vt scilicet hac supplicatione placati, quam laribus, prout alijs etiam numinibus, exhiberi solitam norunt Philologi, non ipsi, si sanus sit, insaniam immittant. Nil autem magis, quam insanire videntur homines eo anni tempore, quod ieiunium Quadragésimale præcedit, quando conuiuentia Præsidum audentiores facti in id vnum omnes student, mirabili propè consensu, vt, diuerso quisq; schemate, diuersas edat dementiæ demonstrationes. Qua ex re, vtpote ex semente fecundissima, vix credibile dictu est, quam plerunq; multiplex oriatur immanissimorum flagitiorum seges. Hinc etenim magis, quam aliunde stupra, adulteria, rixæ, odia, cædes, morum corruptelæ, atq; adeo publici boni perturbationes, vrbiumq; ipsarum certissimæ pestes. Ita vt æquo iure fecisse videantur Angli, apud quos Polydorus ait de rerum inuentoribus lib. v. cap. ij. capitale fuisse, si quis

si quis Personam induisset. Quod & in Gallijs, Francisci Regis decreto sancitum, refert Langlæus, immò, & ipsam Personarum nundinationem à Senatu Parisiensi interdictam, anno ciciixiv. in hoc lege lata. Aequo iure, inquam, quia quam longissime ab æquo recedit humani capitis excellentiam, de qua præclare Paulus l. C. l. cum in diuersis. ff. de relig. & sumpt. funer. furialibus redimiculis dehonestare, longius vero Christiani capitis, Christi ipsius in baptismate caractere insigniti. Si enim, *Non debet facies hominis ad similitudinem Dei formata fædari*, quod cautum est. l. si quis in metallum. Cod. de pœnis; dignus etiam coercitione videtur receptus hic abusus, non commaculandæ solum, sed & monstrosæ figmentis eius imaginis obscurandæ, quæ cœlestis pulchritudinis in homine cernitur impressa, eoq; magis, quo commodiorem ansam nefarijs hominibus præbet sub quadam latendi spe, qualiscunq; sceleris molendi: Quod inuentum quis neget non alteri iustius adscribendum, quam communi nostri generis hosti? qui diuinæ in nobis similitudinis exemplar exosus, hoc sibi machinamētum censuerit adornandum, quo ad suæ ipsius formæ speciem quandam induendam, priori illa venustissima quasi repudiata, inconsiderate alliceremur: Cum tales alioquin fuci, facieique tegmina, quod habet etiam Langlæus, vel impostoribus tātum ob vitiatam fallendi consuetudinem,

dinem, vel Histrionibus, ob artis necessitatem conueniant, nō autem honestis, probisq; vīris, qui quales sunt, tales etiam vt appareant opere maximo studere debent. Vt vt verò cætera videantur perferenda, ob ea saltem, quæ iam inde à principio dixi, Rerum publicarum rectoribus alicuius relaxamēti populis permittendi necessitatem imposuisse, intolerabile tamen est, omniq; penitus excusatione indignū, imo maxima potius vituperatione dignissimum, quod eadem licentia mulieres, non eā modo, quæ impudico quæstui vilia corpora manciparunt, sed & Matronæ quælibet, pudicitia, & honestatis nomine in primis fastosæ sub tali velamine lasciuire, absq; reprehensione conspiciantur. Sapienter sensisse, fecisseq; Albertum Saxoniae superioris Ducem nemo saniori mente præditus negabit, quem Crantzius refert, Saxoniae libro xij. cap. xxij. cum Lubecam venisset, Laruatorum foeminarum spectaculo offensus, Lubecensem Senatum commonecisse; *Vt abusum illum antiquaret, qui vt multis alioqui pudicis foeminis præstaret audaciam, sic impudicis esset stultitiae incrementum.* Phintyæ Callicratis filia Pythagoricæ foeminæ in hanc ferè sententiam documentum habemus apud Stobæum sermonē lxxij. *Vt Matresfamilias abstinere ab orgijs Bacchi, & à Matris Deum festis,* in quibus lasciuia hunc ludum percelebrem fuisse iam diximus; Quod, & publicis alioquin legibus

gibus prohibitum testatur: *Quia mulierem illam, quæ domui regendæ præest temperantem, pudicam, intactamq; conuenit esse, huiusmodi autem festa incitamenta quædam, ceu igniculos habent ad petulantiam excitandam. In ijsq; mulieres ita paulatim assuescunt impudentiæ (quod Io. Lodouicus Viues inquit lib. primo de Christiana fœmina, ubi proluxa, acerrimaq; infectatione huiusmodi prosequitur ineptias) vt detrimentum, quod sub Persona accepit verecundia, citra Personam se proferat, & ostendat. Quem enim quæso, vt Satyrographi Principis verba è Satira vj. ad meum mihi propositum vsurpem.*

Quem præstare potest mulier larvata pudorem,

Quæ fugit à sexu?

Quæ ille verba (vt erat peruersi cuiusq; moris infectator acerrimus) in eas mulieres prolata, quæ tanquam arene pararentur, armis tectæ, præposito studio, pali exercitationibus insudabant, proculdubio si viueret, nec minori cum indignatione in præsentem abusum esset prolaturus. At ex sententibus hisce rosam, vel illæsus, excerpserit, cui lubitum fuerit in mentem reuocare, mortalium hanc vitam nil aliud esse, quam Personatorum Pompam. Hunc videmus etenim, Personam Regis à Deo impositam, indecore ita, vt nihil magis sustinere, illum serui gerentem Regiam affectare; hunc perpetuo vitæ cursu fortunæ donis conspicuum, illum cum egestate litigantem, causaq;

causaq; cadētem squalentibus pannis oblitum, corpus vix vsque ad exitum sustinere; illum vero, quod mirabilius videtur, in medio ipso apparatu, vel præter spem ad summum fastigium ex intimis tenebris elatum, vel post diurnam felicitatem miseris modis depressum. Ut varia interim, diuersaq; hominum vota, studiaq; prætereamus, quæ non inuicem tantum contraria sunt, ut fert ingeniorum diuersitas, sed sibi met ipsis quam sæpiissime aduersa. Neq; enim præter rem Seneca dixit epistola cxx. *Magnam rem esse, unum hominem agere, præter sapientem autem* (& quis non pullos vulturinos facilius, quam talem commonstret) *neminem unum agere, cæteros multifformes esse.* Quæ omnia longo ordine ab Hippocrate epistola quadam ad Damagetū ex Democriti sensu elegantissime explicata, haud longe distant à fabulæ alicuius dramaticæ, varijs perturbationibus implicitæ similitudine, eoq; minus, quod ex cuiusq; morte fabula soluta, prout Hiltriones videmus, depositis hisce ad momentum effectis ornamentis, actoris vera facies, habitusq; denudetur, interiorisq; hominis miseria, & deformitas, vel ex eo fiat perspicua, quod nulla res eum, qui Rex videbatur, à seruo; Diuitem, à mendico; omnium opinione felicem ab ærumnoso discriminet. Vnde est, quod festiuissimus, vereq; elegantiarum (utinam, & modestiæ) Arbitrator Petronius dixerit.

Grex

Grege agit in scena Mimum, pater ille vocatur,

Filius hic, nomen diuitis ille tenet:

Mox ubi ridendas impleuit pagina partes,

Vera redit facies, dissimulata perit.

Martialisq; Epigrammate ij. libri xj. quasi Paremiace, Personatos fastus, commentitia hæc dignitatū nomina indigetauerit; Quibus, qui effertuntur, nō magis felices sunt Senecæ epistola lxxvj quam illi, quibus sceptrum, & chlamydem in scena fabulæ assignant, cum præsentē populo elati incesserunt, & cothurnati, simul exierunt, excalceantur, & ad staturam suam redeunt. Ne vero, ob ea, quæ dixi, legi Flauia de plagiarijs mecum aliquis censeat agendum, ni digito locum designem, vnde sumpta sunt, consule, obsecro lector, Luciani Necyomantiam, item Somnium, & Nauigium, multa; præterea reperies, quorum causa mirari subeat potius, cur nam Heraclitum illum Ephesiū ineptias hæc generis humani semper deslere delectauerit, aut Crassum illum risus osorem nunquam cachinnō dignari, quam, quod sapientissimus Democritus eas perpetuo sibi duxerit risu effusissimo prosequendas. Reliquum esset, vt ad ea, quæ de Personis, si non exacte, saltem pro viribus explicauimus, nonnulla adiungerentur, quibus ea solueretur dubitatio, quæ de Carnispriuij, Personarumq; per ea tempora frequentioris vsus origine inter aliquos vel hæreat, vel oriri possit. Sunt enim, qui affirmant Lupercalium hæc

hæc esse vestigia, quæ Februarij mense celebrabant
veteres nudi, præcintiq; loris discurrentes, & maxi-
ma cum lætitia insanientes. Sunt, qui Saturnalium
reliquias arbitrentur, quibus festis circa finem De-
cembris, vestimentorum mutationes inter seruos, &
Dominos, cœnationesq; frequentes, & lautiores in-
ter amicos fieri solitas diximus. Sunt etiam, qui Bac-
chanalium esse velint imaginem, ea scilicet adducti
ratione, quod turpe nimis insaniendi, ventrisq; ex-
fatiandi studium, turpitudinem illorum sacrorum,
quam vel Ethnici exhorruerunt apprime repræsen-
tet. Langlæus à Quinquatrijs, Megalensibusq; fluxis-
se opinatur, Quinquatria, Megalensesq; confundēs,
quos tempore, cœremonijsq; distingui patefecimus.
Necq; de Megalensibus penitus dissentirem, si vt con-
uenit huius licentiæ cursus per sex dies continuus,
eodem modo anni tempus conueniret. De Quin-
quatrijs vero, vt de Dionysijs, & Saturnalibus fidem
aliquam videretur facere Plutarchus περὶ ἐϋδουλίας, in
ijs innuens, sed & in alijs festis, liberiore spatio se o-
blectandi vulgus potiri, Nec temporis ratio admo-
dum discrepat quantum ad Dionysia, dato illo, quod
supra retulimus ποσειδιῶνα mensem, quo illa celebra-
bantur, magna sui parte in Ianuarium excurrere. &
Nec forte deerunt, qui à Maiuma hæc velint deriu-
ta, de quo Festo titulus est Codicis, quodq; ab Arca-
dio, propter nimiam licetiam penitus sublatum ha-
bemus

Ido quous etiam tale
inducit raud socrate nubi
inducit raud socrate nubi
ne non credendo calu-
mnia: lra Patronicum
de meum namat et
dix non capiti dicit
m. apud dolo angum co-
moneo dionysium re-
nam quous quous
aquam in Dionysijs po-
tore, dionysionum m-
dore ueliamen re-
casare dionysionum re-
nam ipso, prout talum
dionysionum m-
reus de dionysionum
et ma dionysionum re-
dionysionum m-
casare.

bemus è Codice Theodotiano, quodque S. Ioannes Chrysostomus Homilia de Dauide, & Saule conqueritur ludorum nimia obscœnitate, omnium libidinum imagines & verbis, & re ipsa euidenter adumbrasse. At nihil prorsus ausim ego asserere, nullo in præsens satis firmo testimonio fultus: Quod, si aliquid necessario asserendum esset, pedarius suffragator Viuis sententiæ adiungerer, qui libro, quem supra citauimus de Christiana fœmina, morem hunc non ita pridem inuectum arbitrari se ostendit. Certe, Carnispriuij mentionem (quod ἀπὸρρεως Græce vocatur, improprio adeo vtrunque vocabulo, vt nihil minus faciat ad ipsius temporis consuetudinem, quæ carniū potius ingurgitatio videtur esse, quam priuatio) Carnispriuij inquam mentionem, quæ in nullo veterum occurrit, in Nicephoro Gregora primum reperire contigit, cuius hæc sunt verba, in vita Andronici senioris, qui quidem Constantino-
 poli imperauit circa annum Domini ciccxxc j. *Carnispriuium enim instabat, cum lautioribus conuiujs, & poculis dediti mortales, & vini intemperantia, facilius ad seditiones concitantur.* Adeo verum est, quod, pudeat licet, nefas tamen diffiteri, posterius hoc sæculum, quod à talibus nequitjs Euāgelicæ lucis gratia præfulgente, ceu ab exitiosissimo veneno abhor-
 rere debuerat, in ijs recipiendis tam multis interual-
 lis vetera illa caligine oblita antecessisse, vt quæ lu-
 M dorum

90 *De Personis, & Larvis Syntagmation.*

dorum flagitia in ijs per breue vix dierū curriculum, in vani alicuius numinis honorem vsurpabantur, ea nunc, cum deterioris licentiæ, diuturniorisq; temporis accessione in manifestum veri numinis contemptum, per risum, & iocum vsurpentur. Quasi veteres noxæ deficiant, quæ aduenientis Quadragesimæ expiatione purgentur, ni recentioribus inquinamentis talis castigationis necessitas vrgentior, infirmior vero fortasse fructus efficiatur. Illud restat innuendum, in Calendarum ineuntis anni supersticiosa obseruatione, quarū extat in Libanio *ἐκπασις* luculenta, præter ea, quæ Martinus de Roa è Societate Iesu literis mandauit, singularium libro jv. capite xj speciem aliquam visam eorum, quæ in nostro Carnispruiio obseruantur, circa idem prope tempus initio sumpto. De quibus omnibus, si pluribus disserere in animo esset, & altius repetenda, & longius producenda esset oratio. Cæterum ab huiusmodi scriptione calamum suspendere necesse fuit, quod, necessarium iter in ipso scribendi feruore, non à Larvis modo, sed & à Laribus me festinanter abduxerit.

F I N I S.

ITA-

ΣΤΑΛΕΞΙΣ

AVCTORVM.

Quorum opera, vel testimonio vsi sumus.

A



Cron.

Adagiographus.

Aelianus.

Aelius Lampridius.

Albertus Crantzius.

Alexander ab Alexandro.

Alexander Sardus.

Antonius Bonfinius.

Antonius Clarus Syluius.

Apuleius.

Aristophanes.

Aristophanis Scholiastes.

Aristoteles.

Arnobius.

Arrianus.

Artemidorus.

Asconius Pedianus.

Athenaeus.

S. Augustinus.

Aulus Gellius.

Ausonius.

B

Biblia sacra.

Boethius.

C

Caelius Calcagninus.

Caesar.

Cassiodorus.

Catullus.

Censorinus.

Cicero.

Claudianus.

Clemens Alexandrinus.

Columella.

Codex Theodosianus.

Cornelius Tacitus.

D

David Hæschelius.

Democritus.

Demosthenes.

Diodorus Siculus.

M

2

Dio.

Diogenes Laertius.

Diomedes.

Dionysius Halicarnassensis.

Dioscorides.

Donatus.

E

Empedocles.

Eusebius.

F

Frontinus.

G

Guilielmus Budæus.

H

Hadrianus Turnebus.

Heliodorus.

Heraclides.

Hermogenes.

Herodianus.

Herodotus.

Hesychius.

Hippocrates.

Homerus.

Horatius.

Hyginus.

I

Ianus Gruterus.

Ianus Langæus.

S. Io. Chrysostomus.

Ioannes Ludouicus Viues.

Ioannes Rosinus.

Ioannes Stobæus.

Ioannes Tzetzes.

Ioannes Xiphilinus.

Ioannes Zonaras.

Iosephus Scaliger.

Isaacus Casaubonus.

Isidorus.

Isocrates.

Iulius Cæsar Bullengerus.

Iulius Cæsar Scaliger.

Iulius Iacobonius.

Iulius Pollux.

Ius Ciuile.

Iustinus.

Iustus Lipsius.

Iuuenalis.

L

Lactantius Firmianus.

Libanius.

Lilius Gregorius Giraldus.

Lu-

Lucianus.

Lucilius.

Lucretius.

Ludovicus Casteluertius.

M

Macrobius.

Martialis.

Martinus de Roa.

N

Nicephorus Gregoras.

Nicolaus Nicolaius.

O

Orpheus.

Ouidius.

P

Paulus Diaconus.

Paulus I. C.

Pausanias.

Persius.

Petronius Arbiter.

Penus Faber.

Philostatus.

Phintya Pythagorica.

Plato.

Plautus.

Plinius.

Plutarchus.

Polyenus.

Polybius.

Polydorus Virgilius.

Pompeius Festus.

Pomponius.

Pomponius I. C.

Pomponius Mela.

Porphyrius.

Propertius.

Prudentius.

Publius Mimus.

Q

Quintus Curtius.

S

Seneca Philosophus.

Seruius.

Sidonius Apollinarius.

Simonides.

Solinus.

Strabo.

Sudas.

Suetonius.

Suetonius.

Synefius.

T

Tertullianus.

Theodorus Gaza.

Theophrastus.

Tibullus.

Titus Livius.

Torquatus Tassius.

V

Valerius Maximus.

Varro.

Vegetius.

Virgilius.

Vlpianus I. C.

Vlpianus Rhetor.

Volfangus Lazijs.

Z

Zosimus.

*Leuiuscula hæc, quæ irrepperunt errata
Lector, si libet, corrigito.*

Err.	Corr.		
pag. 4. in margine		pag. 45. linea 17.	
Xiphilinus	Xiphilinus	Lauratum	Larvatum
Antoninus	Antonino	pag. 49. lin. 8.	
		α δριον	α δριον
pag. 9. linea 22.		pag. 50. lin. 22.	
deductam	deductum	παιδον	παιδον
pag. 12. linea 20.		pag. 58. lin. 16.	
ardente	ardente	relinquerunt	reliquerunt
pag. 15. linea 7.		pag. 86. linea 2.	
vocibus	vocibus	sustincere	sustinere
pag. 27. linea 2.		pag. 88. linea 2.	
authoribus	auctoribus	præcintiq;	præcintiq;

Ascanius Persius Philosoph. & Græc. litt. in Bononiensi
Gymnasio professor, librum iussu Reuerendiss. P. Inqui-
sitoris Bonon. legi, cui titulus, *Agæfilas Mariscotti de Per-
sonis*. in eoque nihil aduersus sacri Indicis regulas scri-
ptum reperi. dignumq. apprime eruditis auribus mihi
visum testor. Bonon. octauo Kal. Febr. 1610.

Ascanius Persius mea manu scripsi, & subscripsi.


Imprimatur. Vic. Inquisitionis.


D. Tobias Clericus regularis S. Pauli pro Illustriss. ac Re-
uerendiss. Archiep. visa attestacione, & subscriptione
vti supra.


REGISTRVM.


a A B C D E F G H I K L M.


Omnes sunt integra folia.














00564495

